

## දායාවංසො

නමො තස්ස භගවතො අරහතො සම්මාසම්බුද්ධස්ස

1. විසාරදං වාදපථානි චක්ඛිනං,  
තිලොකපජ්ජොතමසය්හසාහිනං;  
අසෙස ඤෙය්‍යාවරණජ්ජහායිනං,  
නමාමි සත්ථාරමනන්තගොචරං.
2. තිලොක නාථජ්ජහවං භයාපහං,  
විසුද්ධවිජ්ජාවරණෙහි සෙවිතං;  
පපඤ්ච සංයොජනඛන්ධනච්ඡිදං,  
නමාමි ධම්මං නිපුණං සුදුද්දසං.
3. පසාදමත්තෙන'පි යත්ථ පාණිනො,  
ඵ්ලසන්ති දුක්ඛක්ඛයමච්චුතං පදං;  
තමාහුණෙය්‍යං සුසමාහිතින්ද්‍රියං,  
නමාමි සධ්දං මුනිරාජසාවකං.
4. විභුසයං කාලකනාගරන්ච යං,  
පරක්කමො කාරුණිකො චමුපති;  
ගවෙසමානො ජිනසාසනස්ස යො,  
විරුල්හිමත්ථඤ්ච ජනස්ස පත්ථයං.
5. සුධාමයුඛාමල පණ්ඩුවංසජං,  
විරුල්හසද්ධං මුනිරාජසාසනෙ;  
පියං වදං නිතිපථානුවත්තිනිං,  
සදා පජානං ජනිකං'ව මාතරං.
6. පියං පරක්කන්තිභුජස්ස රාජිනො,  
මහෙසි මච්චුන්තනවුද්ධිසම්පදං;  
විධාය ලීලාවතිමිච්ඡිතත්ථදං,  
අසෙස ලඬිකාතලරජ්ජලක්ඛියං.
7. කුමාරමාරාධිතසාධුමන්තිනං,  
මහාදයං පණ්ඩුනරින්ද වංසජං;  
විධාය සද්ධං මධුරින්දනාමකං,  
සුසික්ඛිතං පාවචනෙ කලාසු ව.
8. නරින්දසුඤ්ඤං සුවිරං නිසිහළං,  
ඉතිජ්ජතිතං අයසං අපානුදි;  
විරං පණිනෙන ච විවරාදිනා,  
සුසඤ්ඤතෙ සංයමිනො අතජ්ජයි.
9. විරට්ඨිතිං පාවචනස්ස ඉච්ඡතා,  
කතඤ්ඤානා වික්කම වුද්දිසාලිනා;  
සනිමතා චන්දිම ඛන්ටුකිත්තිනා,  
සගාරවං තෙන'භියාවිනො අහං.
10. සදෙස භාසාය කච්ඡි සිහළෙ,  
කතම්පි වංසං ජිනදන්තධාතුයා;  
නිරුත්තියා මාගධිකාය වුද්ධියා,  
කරොමි දීපන්තරවාසිනං අපි.
11. ජිනො'යමිද්ධෙ අමරචිහයෙ පුරෙ,  
කදාචි හුත්වාන සුමෙධනාමකො;  
සවෙදවෙදඬිගච්ඡාගකොවිදො,  
මහද්ධනෙ විජ්ජකුලම්භි මාණවො.
12. අහඤ්ඤි ජාතිබ්‍යසනෙන පිළිතො,  
ජරාහිභුතො මරණෙන ඔත්ථට්ටො;  
සිවං පදං ජාතිජරාදිනිස්සට්ටං,  
ගවෙසයිස්සං'ති රහො විචිත්තිය.

13. අනෙකසඬ්ඛං ධනධස්සසම්පදං,  
පතිට්ඨපෙත්වා කපණෙසි දුට්ඨපං;  
අනප්පකෙ පෙමහරානුබන්ධිනො,  
විභාය මිත්තෙ ව සුතෙව බන්ධවෙ.
14. පභාය කාමෙ නිබ්බලෙ මනොරමෙ,  
සරාහිනික්ඛම්ම හිමාවලන්තිකෙ;  
මහීධරං ධම්මිකනාම විස්සුතං,  
උපෙච්ච නානාතරුරාජ්භුසිතං.
15. මනොනුකූලෙ සුරරාජනිම්මිතෙ,  
අසම්මිගානං අගතිම්හි අස්සමෙ;  
නිවත්තවීරො අජිනක්ඛිපං වහං,  
ජට්ඨාරො තාපස වෙසමග්ගහී.
16. සුසස්සද්ධත්තොපරිවාරි තින්ද්‍රියො,  
ඵලාඵලාදීහි පවත්තයං තනුං;  
ගතො අභිස්සද්ධොසු ව පාරමිං වසී,  
තහිං සමාපත්ති සුඛං අවින්දි සො.
17. සුසජ්ජිතෙ රම්මපුරාධිවාසිනා,  
මහාජනෙන'ත්තමනෙන අස්සජසෙ;  
පථප්පදෙසෙ අභියන්තමත්තනො,  
අනිට්ඨිතෙයෙව සුමෙධ තාපසො.
18. අගාධස්සෙය්‍යාදධිපාරදස්සිතං,  
භවන්තගුං නිබ්බනථං විනායකං;  
අනෙකබ්බිණාසවලක්ඛසෙවිතං,  
කදා වි දීපඬ්ඛකරබුද්ධමද්දස.
19. තතො සසඬ්ඛස්ස නිලොකභත්තනො,  
පරිච්චජිත්වාන තනුම්පි ජීවිතං;  
පසාරයිත්වාන ජට්ඨිනාදිකං,  
විධාය සෙතං තනුමෙව පල්ලලෙ.
20. අනක්කමිත්වා කලලං මහාදයෙ,  
සහික්ඛුකො ගච්චතු පිට්ඨියා ඉති;  
අධිට්ඨහිත්වාන නිපන්තකො තහිං,  
අනාථ මෙතං තිභවං සමෙක්ඛිය.
21. දයාය සස්සද්ධොදිතමානසො ජනෙ,  
භවණ්ණවා උද්ධරිතුං දුබ්ඳිතෙ;  
අකාසි සම්බොධිපදස්ස පත්තියා,  
මහාහිනිභාරමුදග්ගවික්කමො.
22. අථො විදිත්වා වසිනො තමාසයං,  
අදාසි සො ව්‍යාකරණං මහාමුනි;  
තතො පුරං තම්හි තථාගතෙ ගතෙ,  
සයංවසී සම්මසි පාරමීගුණෙ.
23. තතො ව කප්පානමලීනවික්කමො,  
අසංඛියෙ සො චතුරො සලක්ඛකෙ;  
තහිං තහිං ජාතිසු බොධිපාවනෙ,  
විසුද්ධසම්භාරගුණෙ අපුරයි;  
අථාහිජානො තුසිතෙ මහායසො,  
විසුද්ධසම්බොධිපදොපලද්ධියා;  
උදික්ඛමානො සමයං දයාධනො,  
විරං විභුතිං අනුභොසි සබ්බසො.
25. සහස්සසඬ්ඛා දසවක්කවාලනො,  
සමාගතානෙකසුරාධිපාදිහි;  
උදග්ගදග්ගෙහි ජිනත්තපත්තියා,  
සගාරවං සො අභිගම්ම යාවිතො.

26. තනො වවිත්වා කපිළවිහයෙ පුරෙ,  
සදා සතො සකායකුලෙකකෙනුනො;  
අහොසි සුද්ධොදනභුමිහත්තුනො,  
මහාදිමායාය මහෙසියා සුතො.
27. විජාතමත්තො'ව වසුන්ධරාය සො,  
පතිට්ඨහිත්වාන දිසා විලොකයි;  
තදා අහෙසුං විවට්ඨගනා දිසා,  
අපුප්පුං තත්ථ ව දෙවමානුසා.
28. ආධාරයුං ආතප්පාරණාදිකං,  
අදිස්සමානාව නහමිති දෙවතා;  
පදානි සො සත්ත ව උත්තරාමුඛො,  
උපෙච්ච නිච්ඡාරයි වාවමාසහිං.
29. යථත්ථසිද්ධත්තකුමාරනාමකො,  
මහබ්බලො යොබ්බනහාරිවිග්ගහො;  
උතුත්තයානුව්ඡවිකෙසු නිසු සො,  
නුහොසි පාසාදවරෙසු සම්පදං.
30. කදාචි උයානපථෙ ජරාහතං,  
තථාතුරං කාලකතඤ්ච සංයමිං;  
කමෙන දිස්වාන විරත්තමානසො,  
භවෙසු සො පබ්බජිතුං අකාමයි.
31. සපුප්ඵදීපාදීකරෙහි රත්තියං,  
පුරක්ඛනො සො තිදිවාධිවාසිහි;  
සජන්තකො කන්තකවාජියානතො,  
තනො මහාකාරුණිකො'හිනික්ඛමි.
32. කමෙන පත්වාන අනොමමාපගං,  
සුධොතමුත්තාඵලහාරිසෙකතෙ;  
පතිට්ඨහිත්වා වරමොළිබන්ධනං,  
සිතාසිලුනං ගගනෙ සමුක්ඛිපි.
33. පටිග්ගහෙත්වා තිදසානමිස්සරො,  
සුවණ්ණවඩ්ඪගොටවරෙන තං තදා;  
තියොජනං නිලමණිහි චෙතියං,  
අකාසි චූළාමණිමත්තනො පුරෙ.
34. තනො සට්ඨකාරසරොජයොනිනා,  
සමාහටං ධාරයි විචරාදිකං;  
අථො සකං චත්ථයුගං නහත්ථලෙ,  
පසත්ථවෙසග්ගහණො සමුක්ඛිපි.
35. පටිග්ගහෙත්වාන තමම්බුජාසනො,  
මහිද්ධිකො හත්තිහරෙන චොදිතො;  
සකෙ භවෙ ද්වාදසයොජනං අකා,  
මණිහි නිලාදිහි දුස්සවෙතියං.
36. සුසඤ්ඤතත්තො සතිමා ජිනින්ද්‍රියො,  
විනිතවෙසො රසගෙධවජ්ජිතො;  
ජහායනානෙව අනොමවික්කමො,  
මහාපධානං පදහිත්ථ දුක්කරං.
37. විසාබමාසස්සථ පුණ්ණමාසියං,  
උපෙච්ච මූලං සහජාය බොධියා;  
තිණාසනෙ චුද්දසහත්ථසම්මිතෙ,  
අධිට්ඨහිත්වා වීරියං නිසජ්ජි සො.
38. අචත්ථරන්තිං වසුධංච අම්බරං,  
විරූපවෙසග්ගහණෙන හිංසනං;  
පකම්පයන්තො සධරාධරං මහිං,  
ජිනො පදොසෙ'ජිනි මාරවාහිණිං.

39. සුරාසුරබ්බමගණෙනි සජ්ජිතෙ,  
ජගත්තයෙ පුප්ඵමගසිකාදිනා;  
පවත්තමානෙ සුරදුන්දුහිස්සරෙ,  
අබුජ්ඣිබ්බොධිං රජනිපරික්ඛයෙ.
40. තදා පකම්පිංසු සසෙලකානනා,  
සහස්සසංඛා දසලොකධාතුයො;  
අගඤ්ථි සො ලොණපයොධි සාධුතං,  
මහාවහාසො භුවනෙසු පත්ථරි.
41. ලහිංසු අන්ධා විමලෙ විලොචනෙ,  
සුභිංසු සද්දෙ ඛධිරාපි ජාතියා;  
ලපිංසු මුගා වචනෙන වග්ගුනා,  
වරිංසු බෙලං පදසා'ව පඬිගුලා.
42. භවිංසු බුජ්ජා උජ්ජසොම්මවිග්ගහා,  
සිඛි'පි නිබ්බාසි අවිච්ඡාදිසු;  
අපාගමුං ඛන්ධනතො'පි ජන්තවො,  
බුද්ධාදිකං පෙතහවා අපක්කමි.
43. සමිංසු රොගවාසනානි පාණිනං,  
භයං නිරව්චානගතෙ න පිළිසි;  
ජනා අහෙසුං සබ්බො පියංවදා,  
පවත්තසුං කොඤ්චනදං මතඬිගජා.
44. භයා ව හෙසිංසු පහට්ඨමානසා,  
නදිංසු සබ්බා සයමෙව දුන්දුහි;  
රවිංසු දෙභාහරණානි පාණිනං,  
දිසා පසිදිංසු සමා සමන්තතො.
45. පවාසි මන්දො සුඛසිතමාරුතො,  
පවස්සි මෙසො'පි අකාලසම්බවො;  
ජහිංසු ආකාසගතිං විහඬිගමා,  
මහිං සමුහිජ්ජජලං සමුට්ඨහි.
46. අසන්දමානා'ව ධීතා සවන්තියො,  
නහෙ විරොචිංසු අසෙසජොතියො;  
භවා අහෙසුං විවටා සමන්තතො,  
ජනස්ස නාසුං වචනුපපත්තියො.
47. සමෙක්ඛනං නාවරණා නගාදයො,  
පවාසි ගන්ධො අපි දිබ්බසම්මතො;  
දුමා අහෙසුං ඵලපුප්ඵ ධාරිතො,  
අහොසි ජන්තො කමලෙහි අණ්ණවො.
48. ඵලෙසු තොයෙසු ව පුප්ඵමානකා,  
විචිත්තපුප්ඵා විකසිංසු සබ්බථා;  
නිරන්තරං පුප්ඵසුගන්ධවුට්ඨියා,  
අහොසි සබ්බං වසුධම්බරන්තරං.
49. නිසජ්ජ පල්ලඬිකවරෙ තහිං ජිනො,  
සුඛං සමාපත්තිවිහාරසම්භවං;  
තතො'නුභොන්තො සුවිරාහිපත්ථිතං,  
දිනානි සත්තෙව අතික්කමාපයි.
50. සමුප්පතිත්වා ගගණඬිගනං තතො,  
පදස්සයිත්වා යමකං මහාමුනි;  
සපාටිහිරං තිදිවාධිවාසිනං,  
ජිනත්තනෙ සංසයිතං නිරාකරි.
51. අපොතරිත්වාන ජයාසනස්ස සො,  
ධීතො'ව පුබ්බත්තරකණ්ණනිස්සිතො;  
දිනානි සත්තානිමිසෙන වක්ඛුනා,  
තමාසනං බොධිතරුංව'සුජයි.

52. අප්'න්තරාලෙ මණ්ඩකමෙ ජිනො,  
 යිතප්පදෙසස්ස ව ආසනස්ස ව;  
 මහාරහෙ දෙවවරාහිනිමිමිනෙ,  
 දිනානි සත්තෙව අකාසි වඩ්කමං.
53. තතො දිසායං අපරාය බොධියා,  
 උපාවිසිත්වා රතනාලයෙ ජිනො;  
 සමන්තපට්ඨානනයං විචිත්තයං,  
 දිනානි සත්තෙව සවිතිනාමයි.
54. විනිග්ගතො සත්ථුසරිරතො තදා,  
 ජුතිප්පබන්ධො පටිබන්ධවජ්ජිනො;  
 පමාණසුඤ්ඤාසු ව ලොකධාතුසු,  
 සමන්තතො උද්ධමධො ව පත්ථරි.
55. වටස්ස මූලෙ අප්පාලසඤ්ඤිනො,  
 සුඛං ථුසන්තො පව්චෙකසම්භවං;  
 විනායකො සත්ත විහාසි වාසරෙ,  
 අනන්තදස්සි සුරරාජපුජිනො.
56. විහාසි මූලෙ මුවලින්දසාබ්නො,  
 නිසජ්ජ භොගාවලිමන්දිරොදරෙ;  
 විකිණ්ණපුප්ඵෙ මුවලින්දභොගිනො,  
 සමාධිනා වාසරසත්තකං ජිනො.
57. දුමේ'පි රාජායතනෙ සමාධිනා,  
 විහාසි රත්තින්දිව සත්තකං මුනි;  
 සහස්සනෙත්තො අප් දන්තපොණකං,  
 මුබොදකඤ්චාපි අදාසි සත්ථුනො.
58. තතො මහාරාජවරෙහි ආහනං,  
 සිලාමයං පත්ත වතුක්කමෙකකං;  
 විධාය මත්ථං මධුපිණ්ඩිකං තභිං,  
 පටිග්ගහෙත්වාන සවාණ්ණජාහටා.
59. කතන්තකිච්චො සරණෙසු තෙ උභො,  
 පතිට්ඨපෙත්වාන තපස්සුහල්ලිකෙ;  
 අදාසි තෙසං අභිපුජිතුං සකං,  
 පරාමසිත්වාන සිරං සිරොරුහෙ.
60. වටස්සමූලෙ අප්පාලසඤ්ඤිනො,  
 සහම්පතිබ්බුත්මවරෙන යාවිතො;  
 ජනස්ස කාතුං වරධම්මසඬගහං,  
 අගඤ්ඤි ඛාරාණසිමෙකකො මුනි.
61. ගන්ත්වා සො ධම්මරාජා වනම්සිප්පතනං සඤ්ඤානානං නිකෙතං,  
 පල්ලඬකස්මිං නිසින්නො තභිමව්වලිතට්ඨානසම්පාදිතම්භි;  
 ආසාල්ලෙ පුණ්ණමායං සිතරුචිරුචියා ජොතිතෙ වක්කවාලෙ,  
 දෙවබ්බුත්මාදිකානං දුරිතමලහරං වත්තයි ධම්මවක්කං.
62. සුත්වා සද්ධම්මමග්ගං නිභූවනකුහරාභොගචිත්ථාරිකං තං,  
 අඤ්ඤාකොණ්ඩඤ්ඤානාමද්විජමුනිපමුඛාට්ඨාරසබ්බුත්මකොට්ඨි;  
 අඤ්ඤාසුං මග්ගධම්මං පරිමිතරහිතෙ වක්කවාලෙ උළාරො,  
 ඔභාසො පාතුභුතො සපදි බහුවිධං ආසි අවිජෙරකඤ්ච.

පඨමො පරිච්ඡේදො.

63. තතො පට්ඨාය සො සත්ථා විනෙන්තො දෙවමානුසෙ,  
 බොධිතො ථුස්සමාසම්මි නවමෙ පුණ්ණමාසියං.
64. ලඬකමාගම්ම ගඬිගාය තීරෙ යොජනවිත්ථනෙ,  
 මහානාගවනුයායානෙ ආයාමෙන තියොජනෙ.
65. යක්ඛානං සමිතිං ගන්ත්වා යත්වාන ගගනෙ තභිං;

වාතන්ධකාරවුටියිනි කත්වා යක්බෙ භයද්දිනෙ.

66. ලද්දාභයෙහි යක්බෙහි තෙහි දින්නාය භූමියා;  
වම්මබණ්ඩං පසාරෙත්වා නිසිදිත්වාන තඨබණ්ණෙ.
67. වම්මබණ්ඩං පදිත්තග්ගි ජාලාමාලාසමාකුලං;  
ඉද්ධියා වඨ්ඨසිත්වාන යාව සින්දුං සමන්තතො.
68. ජවෙන සින්දුවෙලාය රාසිභූතෙ නිසාවරෙ;  
ගිරිදිපම්බානෙත්වා පතිට්ඨාපෙසි තෙ තහිං.
69. දෙසයිත්වා ජිනො ධම්මං තදා දෙවසමාගමෙ;  
බහුන්තං පාණකොට්ඨං ධම්මාභිසමයං අකා.
70. මහාසුමනදෙවස්ස සෙලෙ සුමනකුටකෙ;  
දත්වා නමස්සිතුං කෙසෙ අගා ජෙතවනං ජිනො.
71. පතිට්ඨපෙත්වා තෙ සත්ථු නිසින්නාසනභූමියං;  
ඉන්දනීලමයං ථූපං කරිත්වා සො අපුප්පයි.
72. නිස්සාය මණිපල්ලඤ්ඤං පබ්බතණ්ණවවාසිනො;  
දිස්වා යුද්ධත්ථිකෙ නාගෙ වූළොදර මහොදරෙ.
73. බොධිනො පඤ්චමෙ වස්සෙ චිත්තමාසෙ මහාමුනි;  
උපොසපෙ කාලපක්බෙ නාගදීපමුපාගමී.
74. තදා සම්ඤ්ඤිතො දෙවො ජෙතවනෙ යීතං;  
අත්තනො භවනංයෙව රාජායතනපාදපං.
75. ඉන්දනීලද්දිකුටං'ව ගහෙත්වාතූට්ඨමානසො;  
ධාරයිත්වා සහාගඤ්ථි ඡත්තං කත්වාන සත්ථුනො.
76. උභින්නං නාගරාජුනං චත්තමානෙ මහාභවෙ;  
නිසින්නො ගගනෙ නාටො මාපයිත්ථ මහාතමං.
77. ආලොකං දස්සයිත්වාථ අස්සාසෙත්වාන භොගිනො;  
සාමග්ගිකරණං ධම්මං අභාසි පුරිසාසභො.
78. අසිනිකොට්ඨො නාගා අවලම්බුධිවාසිනො;  
පතිට්ඨහිංසු මුදිතා සිලෙසු සරණෙසු ව.
79. දත්වාන මණිපල්ලඤ්ඤං සත්ථුනො භුජගාධිපා;  
තත්ථාසීනං මහාවීරං අන්තපානෙහි තප්පයුං.
80. පතිට්ඨපෙත්වා සො තත්ථ රාජායතනපාදපං;  
පල්ලඤ්ඤං තඤ්ච නාගානං අදාසි අභිපුජිතුං.
81. බොධිනො අට්ඨමෙ වස්සෙ වෙසාබෙ පුණ්ණමාසියං;  
මණිඅක්ඛිකනාමෙන නාගින්දෙන නිමන්තිනො.
82. නාගරාජස්ස තස්සෙව භවනං සාධු සප්පීතං;  
කල්‍යාණියං පඤ්චහික්ඛු සතෙහි සහ ආගමී.
83. කල්‍යාණිවෙතියට්ඨානෙ කතෙ රතන මණ්ඩපෙ;  
මහාරහම්හි පල්ලඤ්ඤෙ උපාවිසි නරාසභො.
84. දිබ්බෙහි බප්පභොජ්ජෙහි සසඬ්ඝං ලොකනායකං;  
සන්තප්පෙසි ඵණින්දො සො භුජඬ්ගෙහි පුරක්ඛනො.
85. දෙසයිත්වාන සද්ධම්මං සග්ගමොක්ඛසුඛාවහං;  
සො සත්ථා සුමනෙ කුටෙ දස්සෙසි පදලඤ්ජනං.
86. තතො පබ්බතපාදම්හි සසඬ්ඝො සො විනායකො;  
දිවාචිභාරං කත්වාන දිසවාපිං උපාගමී.
87. ථූපට්ඨානෙ තහිං බුද්ධො සසඬ්ඝො'භිනිසිදිය;  
සමාපත්ති සමුඛභූතං අචින්දි අසමං සුඛං.
88. මහාබොධිතරුට්ඨානෙ සමාධිං අප්පයි ජිනො;  
මහාථූපප්පදෙසෙ ව විහරිත්ථ සමාධිනා.

89. පුපාරාමමිහි පුපස්ස යානෙ ක්කානසුබ්බෙත සො;  
සහික්ඛුසසිසො සම්බුද්ධො මුහුත්තං විනිනාමයි.
90. සීලාපුපස්පදෙසමිහි යත්වාකාලාවිදු මුනි;  
දෙවෙ සමනුසාසිත්වා තතො ජෙතවනං අගා.
91. අගිද්ධො ලාභසක්කාරෙ අසස්භමවමානනං;  
සහන්තො කෙවලං සබ්බ ලොකනිත්ථරණත්ථිකො.
92. සංවච්ඡරානි යත්වාන චත්තාලීසඤ්ච පඤ්ච ව;  
දෙසයිත්වාන සුත්තාදි නවඬගං සත්ථුසාසනං.
93. තාරෙත්වා භවකන්තාරා ජනෙ සඬ්ඛානිචත්තිනො;  
බුද්ධකිච්චානි සබ්බානි නිට්ඨාපෙත්වාන චක්ඛුමා.
94. කුසිනාරාපුරෙ රඤ්ඤං මල්ලානමුපවත්තනෙ;  
සාලවනමිහි යමකසාලරුක්ඛානමන්තරෙ.
95. මහාරහෙ සුපඤ්ඤත්තෙ මඤ්චෙ උත්තරසීසකං;  
නිපන්තො සීහසෙය්‍යාය වෙසාබ්බෙ පුණ්ණමාසියං.
96. දෙසෙත්වා පයමෙ යාමෙ මල්ලානං ධම්මමුත්තමං;  
සුභද්දං මජ්ඣිමෙ යාමෙ පාපෙත්වා අමතං පදං.
97. හික්ඛු පච්ඡිමයාමමිහි ධම්මක්ඛන්ධෙ අසෙසකෙ;  
සඬ්ගස්භ ඔවදිත්වාන අප්පමාද පදෙන ව.
98. පච්චුසසමයෙ ක්කානසමාපත්තිවිහාරතො;  
උට්ඨාය පරිනිබ්බායි සෙසොපාදිවිච්ඡීතො.
99. මහීකම්පාදයො ආසුං තදා අච්ඡරියාවහා;  
පූජාවසෙසා චත්තිංසු දෙවමානුසකා බහු.
100. පරිනිබ්බාණසුත්තන්තෙ වුත්තානුක්කමතො පන;  
පූජාවසෙසො විඤ්ඤෙය්‍යො ඉච්ඡන්තෙහි අසෙසතො.
101. අහතෙහි ව චත්ථෙහි වෙයෙත්වා පයමං ජීනං;  
වෙයයිත්වාන කප්පාසපිචුනා විහතෙන ව.
102. එවං පඤ්චසතක්ඛන්තුං වෙයයිත්වාන සාධුකං;  
පක්ඛිපිත්වා සුවණ්ණාය තෙලපුණ්ණාය දොණියා.
103. විසංහත්ථසතුබ්බෙධං ගන්ධදාරුහි සඬ්ඛනං;  
ආරොපයිංසු චිතකං මල්ලානං පමුබා තදා.
104. මහාකස්සපථෙරෙන ධම්මරාජෙ අවන්දිතෙ;  
චිතකං මා ජලිත්ථාති දෙවධිට්ඨානතො පන.
105. පාමොක්ඛා මල්ලරාජුනං වායමන්තොප'නෙකධා;  
චිතකං තං න සක්ඛිංසු ගාභාපෙතුං හුතාසනං.
106. මහාකස්සපථෙරෙන අධිට්ඨානෙන අත්තනො;  
චත්ථාදිනි මහාදොණං චිතකඤ්ච මහාරහං.
107. ද්විධා කත්වාන නික්ඛම්ම සකසීසෙ පතිට්ඨිතා;  
චන්දිතා සත්ථුනො පාදා යථාට්ඨානෙ පතිට්ඨිතා.
108. තතො දෙවානුභාවෙන පජ්ජලිත්ථ විතානලො;  
න මසි සත්ථුදෙහස්ස දඬ්ඞස්සාසි න ඡාරිකා.
109. ධාතුයො අවසිස්සිංසු මුත්තාභා කඤ්චනජ්ජහා;  
අදිට්ඨානෙන බුද්ධස්ස විජ්ජකිත්තො අනෙකධා.
110. උණ්භිසං අක්ඛකා ද්වෙ ව චතස්සො දන්තධාතුයො;  
ඉච්චෙතා ධාතුයො සත්ත විජ්ජකිත්තො න සත්ථුනො.
111. ආකාසතො පතිත්වාපි උග්ගන්ත්වාපි මහීතලා;  
සමන්තා ජලධාරායො නිබ්බාපෙසුං විතානලං.

112. ටෙරස්ස සාරිපුත්තස්ස අන්තෙවාසි මහිද්ධිකො;  
සරභුනාමකො ටෙරො පහින්න පටිසම්භිදො.
113. ගිවාධාතුං ගහෙත්වාන චිතතො මහියඬගණෙ;  
පතිට්ඨපෙත්වා ථුපම්භි අකා කඤ්චුකචෙතියං.
114. බෙමච්චගයො කාරුණිකො ඛිණ්ණසංයොජනො මුනි;  
චිතකා තො තතො වාමදායාධාතුං සමග්ගහි.
115. අට්ඨන්තමථ රාජුනං ධාතුඅත්ථාය සත්ථුනො;  
උප්පන්නං විග්ගහං දොණො සමෙත්වාන ද්විජුත්තමො.
116. කත්වාන අට්ඨ කොට්ඨාසෙ භාජෙත්වා සෙසධාතුයො;  
අදාසි අට්ඨරාජුනං තං තං නගරවාසිනං.
117. හට්ඨතුට්ඨා ගහෙත්වාන ධාතුයො තා නරාධිපා;  
ගන්ත්වා සකෙ සකෙ රට්ඨෙ වෙනියානි අකාරයුං.
118. එකා දායා සුරින්දෙන එකා ගන්ධාරවාසිහි;  
එකා භුජඬගරාජුහි ආසි සක්කතපුජිතා.
119. දන්තධාතුං තතො බෙමො අත්තනා ගහිතං අදා;  
දන්තපුරෙ කලිඬගස්ස බ්‍රහ්මදත්තස්ස රාජිනො.
120. දෙසයිත්වාන සො ධම්මං හෙත්වා සබ්බා කුදිට්ඨියො;  
රාජානං තං පසාදෙසි අග්ගම්භි රතනත්තයෙ.
121. අජ්ඣොගාළ්හො මුනින්දස්ස ධම්මාමතමහණ්ණවං;  
සො නරින්දොපවාහෙසි මලං මච්ඡරියාදිකං.
122. පාචුස්සකො යථා මෙසො නානා රතනවස්සතො;  
දාළිද්දියනිදාසං සො නිබ්බාපෙසි නරුත්තමො.
123. සුචණ්ණඛට්ඨිකාලම්ඛ මුත්තාජාලෙහි සොහිතං;  
කුටාගාරසතාකිණ්ණං තරුණාදිව්වසන්නිහං.
124. නානාරතනසොභාය දුදික්ඛං චක්ඛුමුසනං;  
යානං සග්ගාපවග්ගස්ස පසාදාතිසයාවහං.
125. කාරයිත්වාන සො රාජා දායාධාතුනිවෙසනං;  
ධාතුපීඨඤ්ච තත්ථෙව කාරෙත්වා රතනුජ්ජලං.
126. තහිං සමප්පයිත්වාන දායාධාතුං මහෙසිනො;  
පූජාවත්ථුහි පූජෙසි රත්තින්දිවමතන්දිනො.
127. ඉති සො සඤ්චිතිත්වාන පුඤ්ඤසම්භාර සම්පදං;  
ජහිත්වා මානුසං දෙහං සග්ගකායමලඬකරි.
128. අනුජාතො තතො තස්ස කාසිරාජව්භයො සුතො;  
රජ්ජං ලද්ධා අමච්චානං සොකසල්ලමපානුදි.
129. පුප්ඵගන්ධාදිනා දන්තධාතුං තමහිපුජිය;  
නිච්චං මණ්ණප්පදිපෙහි ජොතයි ධාතුමන්දිරං.
130. ඉච්චෙවමාදිං සො රාජා කත්වා කුසලසඤ්චයං;  
ජහිත්වාන නිජං දෙහං දෙවින්දපුරමජ්ඣගා.
131. සුනන්දො නාම රාජින්දො ආනන්දජනනො සතං;  
තස්ස'ත්‍රජො තතො ආසි බුද්ධසාසනමාමකො.
132. සම්මානෙත්වාන සො දන්තධාතුං ඤෙයාන්තදස්සිනො;  
මහතා භත්තියොගෙන අගා දෙවසභවානං.
133. තතො පරඤ්ච අඤ්ඤෙ'පි බහවො චසුධාධිපා;  
දන්තධාතුං මුනින්දස්ස කමෙන අහිපුජයුං.
134. ගුහසිවච්චගයො රාජා දුරතික්කම සාසනො;  
තතො රජ්ජසිරිං පත්වා අනුගණ්හි මහාජනං.



135. සපරත්ථානහිඤ්ඤෙ සො ලාභසක්කාරලොභපෙ;  
මායාවිනො අවිජ්ජන්ධෙ නිගන්ධෙ සමුපට්ඨති.
136. වස්සාරත්තෙ යථා වන්දො මොහක්ඛන්ධෙන ආවටො;  
නාසක්ඛි ගුණරංසිහි ජලිතුං සො නරාසහො.
137. ධම්මමග්ගා අපෙතෙ'පි පච්චයෙ දිට්ඨිකානනං;  
තස්මිං සාධුපථං අඤ්ඤෙ නාතිවත්තිංසු පාණිනො
138. හෙමතොරණමාලාහි ධජෙහි කදලිහි ව;  
පුප්ඵගසියෙහි'නෙකෙහි සජ්ජෙත්වා නාගරා පුරං
139. මඬිගලත්ථුති සොසෙහි නච්චගීතාදිකෙහි ව;  
හෙමරුපියපුප්ඵෙහි ගන්ධවුණ්ණාදිකෙහි ව.
140. පුජෙත්තා මුනිරාජස්ස දායාධාතුං කුදාවනං;  
අකංසු එකනිග්ගොසං සංවට්ටම්බුධිසන්තිහං.
141. උග්ගාටෙන්වා නරින්දො සො පාසාදෙ සිහපඤ්ජරං;  
පස්සන්තො ජනමද්දක්ඛි පුජාවිධිපරායණං.
142. අථාමච්චසභාමජෙත්ථ රාජා විම්භිත මානසො;  
කොතුහලාකුලො හුත්වා ඉදං වචනමබ්බුචි.
143. අච්ඡෙරකං කිමෙතන්නු කිදිසං පාටිභාරියං;  
මමෙතං නගරං කස්මා ඡණ්ණිස්සිතකං ඉති.
144. තතො අමච්චො ආචික්ඛි මෙධාවි බුද්ධමාමකො;  
රාජිනො තස්ස සම්බුද්ධානුභාවමච්චානතො.
145. සබ්බාහිභුස්සබුද්දස්ස තන්හාසඬිකයදස්සිනො;  
එසා ධාතු මහාරාජ බෙමත්ථෙරෙත ආහටා.
146. තං ධාතුං පුජයිත්වාන රාජානො පුබ්බකා ඉධ;  
කල්‍යාණමිත්තෙ නිස්සාය දෙවකායමුපාගමුං.
147. නාගරාපි ඉමෙ සබ්බෙ සම්පරාය සුකත්ථිකා;  
පුජයන්ති සමාගම්ම ධාතුං තං සත්ථුනො ඉති.
148. තස්සාමච්චස්ස සො රාජා සුත්වා ධම්මං සුභාසිතං;  
දුල්ලද්ධිමලමුජ්ඣත්වා පසිදි රතනත්තයෙ.
149. ධාතුපුජං කරොන්තො සො රාජා අච්ඡරියා වහං;  
තිත්ථියෙ දුම්මනෙ'කාසි සුමනෙ චෙතරෙ ජනෙ.
150. ඉමෙ අහිරිකා සබ්බෙ සද්ධාදිගුණවජ්ජිතා;  
ඵද්ධා සයා ව දුප්පඤ්ඤා සග්ගමොක්ඛවිබන්ධකා.
151. ඉති සො චිත්තයිත්වාන ගුහසිවො නරාධිපො;  
පබ්බාජෙසි සකා රට්ඨා නිගණ්ඨෙ තෙ අසෙසකෙ.
152. තතො නිග්ණ්ඨා සබ්බෙ'පි සතසිත්තානලා යථා;  
කොධග්ගිජලිතා'ගඤ්ජුං පුරං පාටලිපුත්තකං.
153. තත්ථ රාජා මහාතෙජො ජම්බුදීපස්ස ඉස්සරො;  
පණ්ඩුනාමො තදා ආසි අනන්තබලවාහණො.
154. කොධන්ධාථ නිගණ්ඨා තෙ සබ්බෙ පෙසුඤ්ඤකාරකා;  
උපසඬිකම්ම රාජානං ඉදං වචනමබ්බුචි.
155. සබ්බදෙවමනුස්සෙහි වන්දනියෙ මහිද්ධිකෙ;  
සිවබ්බුහ්මාදයො දෙවෙ නිච්චං තුම්හෙ නමස්සථ.
156. තුය්හං සාමන්තභූපාලො ගුහසිවො පනාධුනා;  
නින්දන්තො තාදිසෙ දෙවෙ ඡවට්ඨිං වන්දතෙ ඉති.
157. සුත්වාන වචනං තෙසං රාජා කොධවසානුගො;  
සුරං සාමන්තභූපාලං චිත්තයානමථ'බ්බුචි.

158. කලිඬගරටියං ගන්ත්වාන ගුහසිවම්ඛානාය;  
පුජිතං තං ඡවට්ඨිඤ්ච තෙන රත්තින්දිවං ඉති.
159. චිත්තයානො තතො රාජා මහතිං චතුරඬගිනිං;  
සන්නයහිත්වා සකං සෙනං පුරා තම්භාහිනික්ඛමි.
160. ගන්ත්වාන සො මහීපාලො සෙනඬගෙහි පුරක්ඛතො;  
දන්තපුරස්සාවිදුරෙ ඛන්ධාවාරං නිවෙසයි.
161. සුත්වා ආගමනං තස්ස කලිඬගො සො මහිපති;  
ගජින්දපාහතාදිහි තං තොසෙසි නරාධිපං.
162. හිතජ්ඣාසයතං ඤාත්වා ගුහසිවස්ස රාජිනො;  
දන්තපුරං චිත්තයානො සද්ධිං සෙනාය පාවිසි.
163. පාකාරගොපුරට්ඨාලපාසාදගසිකචිත්තිතං;  
දානසාලාහි සො රාජා සමිද්ධං පුරමද්දස.
164. තතො සො සුමනො ගන්ත්වා පට්ටියො රාජමන්දිරං;  
ගුහසිවස්ස ආචික්ඛි පණ්ඩුරාජස්ස සාසනං.
165. සුත්වාන සාසනං තස්ස දාරුණං දුරතික්කමං;  
පසන්නමුඛවණ්ණො'ව චිත්තයානං සමබුචි.
166. සබ්බලොකහිතත්ථාය මංසනෙත්තාදිදානතො;  
අනජ්ජකජ්ජෙ සම්භාරෙ සම්භරිත්වා අතන්දිතො.
167. ජෙත්වා නමුචිතො සෙනං පත්වා සබ්බාසවක්ඛයං;  
අනාවරණඤාණෙන සබ්බධම්මෙසු පාරගු.
168. දිට්ඨධම්මසුකස්සාදං අගණෙත්වාන අත්තනො;  
ධම්මනාවාය තාරෙසි ජනතං යො භවණ්ණවා.
169. දෙවාතිදෙවං තං බුද්ධං සරණං සබ්බපාණිනං;  
ජනො හි අවජානන්තො අද්ධා සො වඤ්චිතො ඉති.
170. ඉච්චෙවමාදිං සුත්වාන සො රාජා සත්ථුවණ්ණනං;  
ආනන්දස්සුජ්ජඛන්ධෙහි පවෙදෙසි පසන්නතං.
171. ගුහසිවො පසන්නං තං චිත්තයානං උදික්ඛිය;  
තෙන සද්ධිං මහග්ගං තං අගමා ධාතුමන්දිරං.
172. හරිවන්දනසම්භූතං ද්වාරබාහාදිකෙහි ව;  
පවාළවාළමාලාහි ලම්බමුත්තාලතාහි ව.
173. ඉන්දනීලකවාටෙහි මණ්ඩකිකිණිකාහි ව;  
සොවණ්ණකණ්ණමාලාහි සොහිතං මණ්ඩුපිකං.
174. උච්චං වෙලුරියුබ්භාසි ඡදනං මකරාකුලං;  
ධාතුමන්දිරමද්දක්ඛි රතනුජ්ජල පීඨකං.
175. තතො සෙනාතපත්තස්ස හෙට්ඨා රතනචිත්තිතං;  
දිස්වා ධාතුකරන්ධඤ්ච තුට්ඨො විම්භයමජ්ඣගා.
176. තතො කලිඬගනාටො සො විවරිත්වා කරණ්ඩකං;  
මහිතලෙ නිහන්ත්වාන දක්ඛිණං ජානුමණ්ඩලං.
177. අඤ්ජලිං පග්ගහෙත්වාන ගුණෙ දසබලාදිකෙ;  
සරිත්වා බුද්ධසෙට්ඨස්ස අකාසි අභියාවනං.
178. ගණ්ඩම්බරුක්ඛමුලමිහි තයා තිත්ථියමද්දනෙ;  
යමකං දස්සයන්තෙන පාටිභාරියමබ්භූතං.
179. පුබ්බකායාදිනික්ඛන්තජලානලසමාකුලං;  
චක්කවාළඬගණං කත්වා ජනා සබ්බෙ පසාදිතා.
180. දෙසෙත්වාන තයො මාසෙ අභිධම්මං සුධාසිතං;  
නගරං ඔතරන්තෙන සඬකස්සං තාවතිංසතො.

181. ඡත්තවාමරසඛිබාදිගාහකෙහි අනෙකධා;  
බ්‍රහ්මදෙවාසුරාදීහි පූජිතෙන තයා පන.
182. යත්වාන මණ්ඩොපාණෙ විස්සකම්මාහිනිමිමිතෙ;  
ලොකවිවරණං නාම දස්සිතං පාටිභාරියං.
183. තථානෙකෙසු යානෙසු මුනිරාජ තයාපුන;  
බහුනි පාටිහිරානි දස්සිතානි සයම්භුතා.
184. පාටිභාරියමජ්ජාපි සග්ගමොක්ඛසුඛාවහං;  
පස්සන්තානං මනුස්සානං දස්සනියං තයා ඉති.
185. අබ්භුග්ගන්ත්වා ගගණ කුහරං චන්දලොබාහිරාමා,  
විස්සජ්ජෙන්ති රජත ධවලා රංසියො දන්තධාතු;  
ධූපායන්ති සපදි බහුධා පජ්ජලන්ති මුහුත්තං,  
නිබ්බායන්ති නයනසුභගං පාටිහිරං අකාසි.
186. අච්ඡෙරං තං පරම රුචිරං චිත්තයානො නරින්දො,  
දිස්වා හට්ඨො විරපරිචිතං දිට්ඨිජාලං ජහින්වා;  
ගන්ත්වා බුද්ධං සරණමසමං සබ්බසෙණිහි සද්ධිං,  
අග්ගං පුඤ්ඤං පසවි බහුධා ධාතුසම්මානනාය.

#### දුතියො පරිච්ඡෙදො

187. තතො කලිඬිගාධිපතිස්ස තස්සසොචිත්තයානොපරමජ්ජනීතො;  
තං සාසනං පණ්ඩුතරාධිපස්ස ඤාපෙසි ධිරො දුරතික්කමං'ති.
188. රාජාතතො දන්තපුරං ධජෙහි පුජ්චෙහි ධූපෙහි ච තොරණෙහි;  
අලඬිකරිත්වාන මහාවිතාන නිවාරිතාදිච්චමරිචිජාලං.
189. අස්සුජ්ජබන්ධාචුතලොචනෙහි පුරක්ඛතො නෙගම නාගරෙහි;  
සමුඛිබන්තො සිරසා නිජෙන මහාරහං ධාතුකරණ්ඩකං තං.
190. සමුස්සිතොදාර සිතාතපත්තං සඬ්ඛොදරොදාත තුරඬිගයුත්තං;  
රථං නවාදිච්චසමානවණ්ණ මාරුස්ස චිත්තත්ථරණාහිරාමං.
191. අනෙකසඬ්ඛෙහි බලෙහි සද්ධිං වෙලාතිචත්තමුඛධිසන්තිහෙහි;  
නිචත්තමානස්ස බහුජ්ජනස්ස විනාපි දෙහං මනසානුයාතො
192. සුසන්ථතං සබ්බධිවාලුකාහි සුසජ්ජිතං පුණ්ණ සටාදිකෙහි;  
පුජ්ජාහිකිණ්ණං පටිපජ්ජී දිසං සුවිත්ථතං පාටලිපුත්තමග්ගං.
193. කලිඬිසනාථො කුසුමාදිකෙහි නච්චෙහි ගීතෙහි ච වාදිතෙහි;  
දිනෙ දිනෙ අද්ධනි දන්තධාතුං පුජෙසි සද්ධිං චනදෙවතාහි.
194. සුදුග්ගමං සින්ධුමහිධරෙහි කමෙන මද්ධානමතික්කමිත්වා;  
ආදාය ධාතුං මනුජාධිනාථො අගා පුරං පාටලි පුත්තනාමං.
195. රාජාධිරාජො'ථ සභාය මජ්ඣෙකෙ දිස්වාන තං චිතභයං විසඬිකං;  
කලිඬිගරාජං පටිසාහිභුතො අභාසි පෙසුඤ්ඤකරෙ නිගණ්ඨො
196. දෙවෙ ජහින්වාන නමස්සනියෙ ඡවට්ඨිමෙතෙන නමස්සිතං'තං;  
අඬිගාරරාසිමිහි සජොතිභුතෙ නික්ඛිජ්ජ ඛිජ්ජං දහථාධුනෙති.
197. පහට්ඨචිත්තා'වතතො නිගණ්ඨාරාජඬිගණෙ තෙ මහතිං ගහිරං;  
චිතච්චිකඬිගාරක රාසි පුණ්ණං අඬිගාරකාසුං අහිසඬ්ඛරිංසු.
198. සමන්තතො පජ්ජලිතාය තාය සජොතියා රොරුවහෙරවාය;  
මොහන්ධභුතා අථ තිත්ථියා තෙ තං දන්තධාතුං අහිනික්ඛිජිංසු.
199. තස්සානුභාවෙන තමග්ගිරාසිං හෙත්වා සරොජං රථවක්කමත්තං;  
සමන්තතො උග්ගතරෙණුජාල මුට්ඨාසි කිඤ්ජක්ඛ හරාහිරාමං.
200. තස්මිං බණෙ පඬිකජ කණ්ණිකාය පතිට්ඨහින්වා ජිනදන්තධාතු;  
කුන්දාවදාතාහි පහාහි සබ්බා දිසා පභාසෙසි පහස්සරාහි.
201. දිස්වාන තං අච්ඡරියං මනුස්සා පසන්තචිත්තා රතනාදිකෙහි;  
සම්පූජයිත්වා ජිනදන්තධාතුං සකං සකං දිට්ඨිමවොස්සජිංසු.

202. සො පණ්ඩුරාජා පන දිට්ඨිජාලං විරානුබද්ධං අපරිච්චජන්තො;  
පතිට්ඨපෙත්වා'ධිකරඤ්ඤමෙතං කුටෙන සාතාපයි දන්තධාතුං.
203. තස්සං නිමුග්ගා'ධිකරඤ්ඤමෙසා උපඨ්ඨභාගෙ නච දිස්සමානා;  
පුබ්බාවලට්ඨො'ව සුධාමරිචි ජොතෙසි රංසිති දිසා සමන්තා.
204. දිස්වානුභාවං ඡිනදන්තධාතු යාපජ්ජි සො විම්භය මග්ගරාජා;  
එකො'ප් ඉස්සාපසුතො නිගණ්ඨො තං රාජරාජානමිදං අවොච.
205. රාමාදයො දෙව ඡනද්දනස්ස නානාවතාරා භුවනෙ අහෙසුං;  
තස්සෙකදෙසො'ව ඉදං ඡවට්ඨිනොවෙ'නුභාවොකප්මිදිසොති.
206. අද්ධා මනුස්සත්තමුපාගතස්ස දෙවස්ස පච්ඡා නිදිවං ගතස්ස;  
දෙහෙකදෙසො යටිතො හිතත්පමෙතන්ති සච්චංචවනංභවෙය්‍ය.
207. සංචණ්ණයිත්වාන ගුණෙ පහුතෙ නාරායණස්ස'ස්සමහිද්ධිකස්ස;  
නිමුග්ගමෙත්තා'ධිකරඤ්ඤමෙතංසම්පස්සතො මෙඛනිනිහරිත්වා.
208. සම්පාදයිත්වාන මහාජනානං මුඛානි පඨිකෙරුහසුන්දරානි;  
යටිච්ඡිතං ගණ්ඨප්චත්තං ඉච්චාහ රාජා මුඛරෙ නිගණ්ඨො.
209. තෙ තිත්ථියා විණුසුරං ගුණෙහි විචිත්ත රූපෙහි අභිත්ථවිත්වා;  
තොයෙන සිඤ්චිංසු සයා තථාපි ධීතජ්ජදෙසා න චලිත්ථ ධාතු.
210. ජිගුච්ඡමානො අප් තෙ නිගණ්ඨො සො ධාතුයානීහරණෙ උපායං;  
අන්වෙසමානො වසුධාධිනාටො හෙරිං වරාපෙසි සකෙ පුරමිති.
211. නිමුග්ගමෙත්තා'ධිකරඤ්ඤමජ්ජි යො ධාතුමෙතං ඛනි නිහරෙය්‍ය;  
ලද්ධාන සො ඉස්සරියං මහන්නං රඤ්ඤොසකාසාසුඛමෙස්සතීති
212. සුත්වා න තං හෙරිරවංඋලාරංපුඤ්ඤත්ථිකොබුද්ධබලෙපසන්තො;  
තස්මිං පුරෙ සෙට්ඨිසුතො සුභද්දො පාවෙක්ඛිරඤ්ඤො සමිතිං පගබ්භො.
213. තමග්ගරාජං අප් සො නමිත්වා සාමාජිකානං හදයඬගමාය;  
භාසාය සබ්බඤ්ඤගුණජ්ජභාවං වණ්ණෙසි සාරජ්ජවිමුත්ත විත්තො.
214. භුමිං කිණිත්වා මහතා ධනෙන මනොරමං ජෙතවනං විහාරං;  
යො කාරයිත්වාන ඡිනස්ස දත්වා උපට්ඨති තං චතුපච්චයෙහි.
215. අනාප්පිණ්ඩිජ්ජදෙසෙට්ඨිසෙට්ඨොසොදිට්ඨමොපපිනාමහොමෙ;  
තිලොකනාටෙ මම ධම්මරාජෙ තුම්හෙ'ධුනාපස්සප්භත්තිහාරං.
216. ඉත්ථං නදිත්වාන පහුතපඤ්ඤඤා කත්වාන එකංසමචුත්තරියං;  
මහිතලං දක්ඛිණජානුකෙන ආභවිච බද්ධඤ්ජලිකො අවොච.
217. ඡද්දන්තනාගො සච්ඡෙත විද්ධො සල්ලෙන යො ලොහිතමක්ඛි තඬිගො;  
ඡබ්බණ්ණරංසිති සමුජ්ජලන්තෙ ඡෙත්වාන ලුද්දාය අදාසි දන්තෙ.
218. සසො'පි හුත්වාන විසුද්ධසිලො අජ්ඣත්තදානාහිරතො ද්විජාය;  
යො'දජ්ජිදෙහමපි සකං නිපච්ච අඬගාරාසිමිති බුභුක්ඛිතාය.
219. යො බොධියා බාහිරවත්ථුදානා අතිත්තරූපො සිවිරාජ සෙට්ඨො;  
අදාසි චක්ඛුනි පභස්සරානි ද්විජාය ජිණ්ණාය අචක්ඛුකාය.
220. යොඛන්තිවාදී'පි කලාබුරාජෙ ඡෙදාපයන්තෙ'පි සහත්ථපාදං;  
පරිජ්ලුතඬිගොරුධිරෙ තිතික්ඛිමෙත්තායමානො යසදායකෙ'ව.
221. යො ධම්මපාලො අපි සත්තමාස ජාතොපදුට්ඨො ජනකෙසකම්භි;  
කාරාපයන්තෙ අසිමාලකම්මං විත්තං න දුසෙසි පතාපරාජෙ.
222. සාබාමිගො යො අසතා පුමෙන වනෙ පපාතා සයමුද්ධටෙන;  
සිලාය හින්තෙ'පි සකෙ ලලාටෙ තං බෙමභුමිං අනයිත්ථමුල්භං.
223. රුට්ඨොන මාරොන්'හිනිමිමිමපි අඬගාරකාසුං ජලිතං විහිජ්ජ;  
සමුට්ඨිතෙ සජ්ජුමහාරවින්දෙ යත්වාන යො සෙට්ඨි අදාසි දානං.
224. මීගෙන යෙනාපෙච්ජඤ්ඤමෙකං හීනංවධාමොවයිතුංකුරඬිගිං;  
ආසාතෙන අත්තසිරංයපෙත්වාපමොචිතා'ඤ්ඤඤපිපාණිසඬිසා.

225. යො සත්තවස්සො විසිබාය පංසු කිළාපරො සම්භවනාමකො'පි;  
සබ්බඤ්ඤාලිල්භාය නිගුල්භපඤ්භං පුට්ඨො විශාකාසි සුචිරතෙන.
226. හිත්වා නිකන්තිං සකථිවිතෙ'පි බද්ධාසක්ඛවිජිම්භි ව චෙත්තවල්ලිං;  
සාබ්බාමිගෙ තෙකසහස්සසබ්බිකෙ වධාපමොචෙසි කපිස්සරොයො.
227. සත්තප්පයං ධම්මසුඛාරසෙන යො මානුසෙ තුණ්ඞිලසුකරො'පි;  
ඉසි'ව කත්වා අථ ඤායගන්ථං නිජං පචත්තෙසි විරාය ධම්මං.
228. පච්චත්ථිකං පුණ්ණකයක්ඛමුග්ගං මහිද්ධිකං කාමගුණෙසු ගිද්ධං;  
යො තික්ඛපඤ්ඤොවිධුරාහිධානොදමෙසි කාළාගිරිමත්තකම්භි.
229. කුලාවසායි අවිරුල්භපක්ඛො යො බුද්ධිමා වට්ටකපොතකො'පි;  
සච්චෙන දාවග්ගිමහිප්පලන්තං වස්සෙන නිබ්බාපයි වාරිදො'ව.
230. යො මච්ඡරාජාපි අවුට්ඨිකාලෙදිස්වානමච්ඡෙ තසිතෙකිලන්තෙ;  
සච්චෙනවාකොනමභොසපුණ්ණංමුහුත්තමත්තෙනඅකාසිරට්ඨං.
231. විචිත්තහත්ථස්ස රථාදිකානි වසුන්ධරා කම්පන කාරණානි;  
පුත්තෙ'නුජාතෙ සදිසෙවදාරෙයො'දප්පිවෙස්සන්තරජානියම්පි.
232. බුද්ධො භවිත්වා අපි දිට්ඨධම්ම සුඛානපෙක්ඛො කරුණානුවත්ති;  
සබ්බං සහන්තො අවමානනාදිං යොදුක්කරං ලොකහිතංඅකාසි.
233. බලෙන සද්ධිං චතුරඤ්ඤානෙ අහිද්දවන්තං අනිහිංසනෙන;  
අපෙයාසත්ථං පරමිද්ධිපත්තං දමෙසි යො ආලවකම්පි යක්ඛං.
234. දෙභාහිනික්ඛන්ත හුතාසනච්චි මාලාකුලං බ්‍රහ්මභවං කරිත්වා;  
භෙත්වාන දිට්ඨිං සුචිරානුබද්ධං දමෙසි යො බ්‍රහ්මවරං මුනින්දො.
235. අච්චඬිකුසං දානසුඛොත ගණ්ඨං නිජාතිතට්ඨාලක ගොපුරාදිං;  
ධාවන්තමග්ගෙ ධනපාලහත්ථිං දමෙසි යො දාරුණමත්තකං'ව.
236. මනුස්සරත්තාරුණපාණිපාදමුක්ඛිප්ප ඛග්ගං අනුබන්ධමානං;  
මහාදයො දුප්පසහං පරෙහි දමෙසි යො අඬිගුලිමාලවොරං.
237. යො ධම්මරාජා විජිතාරිසබ්බිකො පචත්තයන්තො වරධම්මචක්කං;  
සද්ධම්ම සඤ්ඤං රතනාකරඤ්ච ඔගාහයි සං පරිසං සමග්ගං.
238. තස්සෙව සද්ධම්ම වරාධිපස්සතථාගතස්ස'ප්පටිපුග්ගලස්ස;  
අනන්තඤ්ඤාණස්ස විසාරදස්ස එසා මහාකාරුණිකස්ස ධාතු.
239. අනෙත සච්චෙන ජිනස්ස ධාතු ඛිප්පං සමාරුග්ග නහන්තරාලං;  
සුඛංසුලෙබ්ච සමුප්පලන්ති කඩ්ඛං විනොදෙතු මහාජනස්ස.
240. තස්මිං බණෙ සා ජිනදන්තධාතු නහං සමුග්ගම්ම පභාසයන්ති;  
සබ්බා දිසා ඔසධිතාරකා'ව ජනං පසාදෙසි චිතිණ්ණකඩ්ඛං.
241. අපොතරිත්වා ගගනඬිගණම්භා සා මත්ථකෙ සෙට්ඨිසුතස්ස තස්ස;  
පතිට්ඨහිත්වාන සුධාහිසිත්තගත්තං'ව තං පිණ්ඩ හත්තිතින්තං.
242. දස්වාන තං අච්ඡරියං නිගණ්ඨා ඉච්චබ්‍රවුං පණ්ඩුතරාධිපං තං;  
විජ්ජාබලං සෙට්ඨිසුතස්ස එතං න ධාතුයා දෙව අයම්පභාවො.
243. නිසම්ම තෙසං වචනං නරින්දො ඉච්චබ්‍රවුං සෙට්ඨිසුතං සුහද්දං;  
යථා ව එතෙ අහිසද්දභෙයස්සං තථාච්චිං දස්සය ඉද්ධිමඤ්ඤං.
244. තතො සුහද්දො තපනියපත්තෙ සුගන්ධිසිතොදකපුරිතම්භි;  
වඩ්ඪෙසි ධාතුං මුනිපුඬිගවස්ස අනුස්සරන්තො වරිතබ්භතානි.
245. සා රාජහං සි'ව විධාවමානා සුගන්ධිතොයම්භි පදක්ඛිණෙන;  
උම්මුප්පමානා ව නිමුප්පමානා ජනෙ පමොදස්සුධරෙ අකාසි.
246. තතො ව කාසුං විසිබායමප්ඤ්ඤා කත්වා තහිං ධාතුමහික්ඛිපිත්වා;  
පංසුහි සම්මා අහිසුරයිත්වා බහුහි මද්දාපයි කුඤ්ජරෙහි.
247. භෙත්වා මහිංඋට්ඨහි වක්කමත්තං විරාජමානං මණිකණ්ණිකාය;  
පහස්සරං රූපියකෙසරෙහි සරොරුහං කඤ්චනපත්තපාලිං.

248. පතිට්ඨතිත්වාන තභිං සරොපෙ මන්දානිලාවත්තිතරෙණු ජාලෙ;  
ඔභාසයන්ති'ව දිසා පභාහි දිට්ඨා මුහුත්තෙන ජිනස්සධාතු.
249. බිපිංසු වත්ථාහරණානි මච්චා පචස්සයුං පුප්ඵමයඤ්ච වස්සං;  
උක්කුට්ඨිසද්දෙහි ව සධුකාරනාදෙහි පුණ්ණං නගරං අකංසු.
250. තෙ තිත්ථියා තං අභිවඤ්චනං'ති රාජාධිරාජං අථ සඤ්ඤපෙත්වා;  
ජිගුච්ඡතියෙ කුණපාදිකෙහි බිපිංසු ධාතුං පරිබාය පිට්ඨෙ.
251. තස්මිං බණෙ පඤ්චවිධමිබුජෙහිසඤ්ජාදිතාභංසගණොපභුත්තා;  
මධුබ්බතාලි විරුතාහිරාමා අහොසි සා පොක්ඛරණි'ව නන්දා.
252. ගජාධිපා කොඤ්ඤවරවං රචිංසු කරිංසු හෙසානිනදං තුරඬිගා;  
උක්කුට්ඨිනාදං අකරිංසු මච්චා සුවාදිතා දුන්දුහිආදයො'පි.
253. ථොමිංසු මච්චා ථුතිගිතකෙහි නච්චිංසු ඔත්තප්පච්ඡසනා'පි;  
වත්ථානි සීසෙ හමයිංසු මත්තා භුජානි පොඨෙසුමුදග්ගචිත්තා.
254. ධූපෙහි කාලාගරුසම්භවෙහි සනාවනද්ධං'ව නභං අහොසි;  
සමුස්සිතානෙකධජාවලිහි පුරං තදා වත්ථමයං'ව ආසි.
255. දිස්වා තමච්ඡෙරමචිත්තනීයං ආමොදිතාමච්චගණා සමග්ගා;  
අත්ථෙ නියොජෙතු මුපෙච්ච තස්ස වදිංසු පණ්ඩුස්ස නරාධිපස්ස.
256. දිස්වාන යො ඊදිසකම්පි රාජ ඉද්ධානුභාවං මුනිපුඬිගවස්ස;  
පසාදමත්තම්පි කරෙයා නොවෙ කිමත්ථියා තස්ස භවෙයා පඤ්ඤා.
257. පසාදනීයෙසු ගුණෙසු රාජ පසාදනං සාධුජනස්ස ධම්මො;  
පුප්ඵන්ති සබ්බෙ සයමෙව වන්දෙ සමුග්ගතෙ කොමුදකානානානි.
258. වාචාය තෙසං පන දුම්මනීනං මා සග්ගමග්ගං පජනිත්ථ රාජ;  
අන්ධෙ ගහෙත්වා විවරෙයා කො හි අත්ථෙසමානො සුපථං අමුළ්භො.
259. නරාධිපා කප්පිණ බිම්බිසාර සුද්ධොදනාදි අපි තෙජවත්තා;  
තං ධම්මරාජං සරණං උපෙච්ච පිටිංසු ධම්මාමතමාදරෙන.
260. සහස්සනෙත්තො තිදසාධිපො'පි බිණායුකො බිණභවං මුනින්දං;  
උපෙච්ච ධම්මං විමලං නිසම්ම අලත්ථ ආයුං අපි දිට්ඨධම්මො.
261. තුවම්පි තස්මිං ජිතපඤ්චමාරෙ දෙවානිදෙවෙ වරධම්මරාජෙ;  
සග්ගාපච්ඡගාධිගමාය බිජ්ජං චිත්තං පසාදෙහි නරාධිරාජ.
262. සුත්වානතෙසං වචනං නරින්දො විකිණ්ණකඬ්ඛො රතනත්තයම්භි;  
සෙනාපතිං අත්ථවරං අවොච පහට්ඨභාවො පරිසාය මජ්ඣෙ.
263. අසද්දභානො රතනත්තයස්ස ගුණෙ භවච්ඡෙදනකාරණස්ස;  
විරාය දුල්ලද්ධිපථෙ වරන්තො යිතො සරජ්ජෙ අපි වඤ්චිතොහං.
264. මොහෙන බජ්ජොපනකං ධමෙසිං සීතද්දිතො ධුමසිබෙ ජලන්තෙ;  
පිපාසිතො සින්ධුජලං පභාය පිටිං පමාදෙන මරීචිතොයං.
265. පරිච්චජිත්වා අමතං විරාය ජිවත්ථිකො තික්ඛවිසං අබාදිං;  
විභාය'හං වම්පකපුප්ඵදාමං අධාරයිං ජත්තුසු නාගභාරං.
266. ගන්ත්වාන බිජ්ජං පරිබා සමීපං ආරාධයිත්වා ජිනදන්තධාතුං;  
ආනෙහි පුජාවිධිනා කරිස්සං පුඤ්ඤානි සබ්බත්ථ සුඛාවහානි.
267. ගන්ත්වානතෙසොපරිබාසමීපං සෙනාධිනාථො පරමජ්ජනීතො;  
ධාතුං මුනින්දස්ස නමස්සමානො අජ්ඣෙසි රඤ්ඤො හිතමා වරන්තො
268. විරාගතං දිට්ඨිමලං පභාය අලත්ථ සද්ධං සුගතෙ නරින්දො;  
පාසාදමාගම්ම පසාදමස්ස වඩ්ඪෙහි රඤ්ඤො රතනත්තයම්භි.
269. තස්මිං බණෙ පොක්ඛරණි විචිත්තා පුල්ලෙහි සොචණ්ණසරොරුහෙහි;  
අලඬකරොන්ති ගගනං අහොසි මන්දාකිනීවාහිනවාචතාරා.
270. භංසඬිගණොවාථ මුනින්දධාතු සා පඬිකජා පඬිකජමොක්කමන්ති;  
කුන්දාවදානාහි පභාහි සබ්බං බිරොදකුච්ඡි'ව පුරං අකාසි.

271. තතො සුරත්තඤ්ජලිපඬකජමහි පතිට්ඨහිත්වාන වමුපනිස්ස;  
සන්දිස්සමානා මහතා ජනෙන මහජ්ඵලං මානුසකං අකත්ථ.
272. සුත්ථාන චුත්තත්තමිමං නරින්දො පහට්ඨභාවොපදසා'ව ගන්ත්වා;  
සංසුවයන්තො දිගුණං පසාදං සුවිමිහිතොපඤ්ජලිකොඅවොව.
273. වොහාරදක්ඛා මනුජා මුනින්ද සඬ්ඝට්ටයිත්වා නිකසොපලමිහි;  
කරොන්තිඅග්ගං වරකඤ්චනස්ස ඵසොහි ධම්මො වරිතොපුරාණො.
274. මණිං පසත්ථාකරසම්භවමිපි හුතාසකම්මෙහහිසඬ්ඛරිත්වා;  
පාපෙන්තිරාජඤ්ඤකිරිටකොටිං විභුසනත්තං විදුනොමනුස්සා.
275. විමංසනත්ථාය තවාධුනාපි මයා කතං සබ්බමිදං මුනින්ද;  
ආගුං මහත්තං බම භුරිපඤ්ඤ ඛිජ්ජං මමාලඬකුරු උත්තමඬ්ඨං.
276. පතිට්ඨිතා තස්ස තතො කිරිටෙ මණිජ්ජභා භාසිති දන්තධාතු;  
අමුඤ්චි රංසි ධවලා පජාසු සිනෙහජාතා ඉව බීරධාරා.
277. සො දන්තධාතුං සිරසාවහන්තො පදක්ඛිණංතංනගරං කරිත්වා;  
සම්පූජයන්තො කුසුමාදිකෙහි සුසජ්ජිතන්තෙ පුරමාහරිත්ථ.
278. සමුස්සිතොදාරසිතාතපත්තෙ පල්ලඬකසෙට්ඨෙ රතනුජ්ජලමිහි;  
පතිට්ඨපෙත්ථාන ජිනස්ස ධාතුං පූජෙසි රාජා රතනාදිකෙහි.
279. බුද්ධාදිවත්ථුත්තයමෙව රාජා ආපාණකොටිං සරණං උපෙච්ච;  
හිත්වා විහිංසං කරුණාධිවාසො ආරාධයි සබ්බජනං ගුණෙහි.
280. කාරෙසි නානාරතතප්පභාහි සහස්සරංසිං'ව විරොවමානං;  
නරාධිපො භත්තිහරානුරූපං සුවිත්තිතං ධාතුනිවෙසනමිපි.
281. වඩ්ඪෙසි සො ධාතුසරමිහි ධාතුං අලඬකරිත්වා සකලං පුරමිපි;  
සෙසෙන පුජාවිධිනා අතිත්තො පූජෙසි රට්ඨං සධනං සභොග්ගං.
282. ආමන්තයිත්වා ගුහසිවරාජං සම්මානිතං අත්තසමං කරිත්වා;  
දානාදිකං පුඤ්ඤමනෙකරූපං සද්ධාධනො සඤ්චිණිරාජසෙට්ඨො.
283. තතො සො භූපාලො කුමනිජනසංසග්ගමනයං,  
නිරාකත්වා මග්ගෙ සුගතවචනුජ්ජොතසුගමෙ;  
පධාවන්තො සම්මා සපරහිතසම්පත්තිවතුරො,  
පසත්ථං ලොකත්ථං අවරි වරිතාවජ්ජිතජනො.

තතියො පරිච්ඡෙදො.

284. වරති ධරණි පාලෙ රාජධම්මෙසු තස්මිං,  
සමරවතුරසෙනො බීරධාරො නරින්දො;  
නිජභුජබලලීලා'රාතිද්ද්විජ්ජපමාලී,  
විභවජනිතමානො යුද්ධසජ්ජො'හිගඤ්ජි.
285. කරිවරමථ දිස්වා සො ගුහාද්වාරයානං,  
පටිභයරහිතත්තො සිහරාජා'ව රාජා;  
නිජනගරසම්පායාතමෙතං නරින්දං,  
අමිතබලමමහොසෙනොත්ථරන්තා'හියායි.
286. උදිතබහලධුලීපාලීරුද්ධන්තලීක්ඛො,  
සමදවිවිධයොධාරාවසංරම්භහිමෙ;  
නිසිතසරසතාලිවස්සධාරාකරාලෙ,  
අජිති මහති යුද්ධෙ පණ්ඩුකො බීරධාරං.
287. අථ නරපතිසෙට්ඨො සඬ්ඛගෙත්ථාන රට්ඨං,  
නිජ තනුජ වරස්මිං රජ්ජභාරං නිධාය;  
සුගත දසන ධාතුං සම්පට්චිජාපයිත්වා,  
පහිණි ව ගුහසිවං සක්කරිත්වා සරට්ඨං.
288. සුවිරමවනීපාලො සඤ්ඤමං අජ්ඣුපෙතො,  
විවිධ විභව දානායාවකෙ තප්පයිත්වා;  
නිදසපුර සමාජං දෙහගෙදා පයානො,

කුසල ඵලමනජ්ජං පත්ථිතං පච්චලත්ථ.

289. නරපති ගුහසීවො තං මුනින්දස්ස ධාතුං,  
සකපුරමුපනෙත්වා සාධු සම්මානයන්තො;  
සුගති ගමන මග්ගෙ පාණිනො යොජයන්තො,  
සුවරිත මහිරූපං සඤ්චිණන්තො විභාසි.

290. අගණිතමහිමස්සුජ්ජෙ නිරඤ්ඤො තනුජො,  
පුරිම වයසි යෙවාරද්ධසද්ධාභියොගො;  
දසබල තනුධාතුං පුජිතුං තස්ස රඤ්ඤො,  
පුරවර මුපායානො දන්තනාමො කුමාරො.

291. ගුණජනිත පසාදං තං කලිඬිගාධිනාථං,  
නිබ්ල ගුණ නිවාසො සො කුමාරො කරිත්වා;  
විවිධ මහවිධානං සාධුසම්පාදයන්තො,  
අවසි සුගතධාතුං අන්වහං වන්දමානො.

292. අභවි ච ගුහසීවස්සාවනීසස්ස ධිතා,  
විකච කුචලයක්ඛි භංසකන්තාභියාතා;  
වදන ජිත සරොජා භාරිධම්මිල්ලභාරා,  
කුචහරනම්තඬිහි හෙම මාලාභිධාතා.

293. අබ්ලගුණනිධානං බන්ධුභාවානුරූපං,  
සුවිමලකුලජාතං තං කුමාරං විදිත්වා;  
නරපති ගුහසීවො අත්තනො ධිතරං තං,  
අදදි සබ්බමානං රාජපුත්තස්ස තස්ස.

294. මනුජපති කුමාරං ධාතුරක්ඛාධිකාරෙ,  
පචුරපරිජනං තං සබ්බථා යොජයිත්වා;  
ගව මහිස සහස්සාදිහි සම්පිණ්ණයිත්වා,  
සක විභව සරික්ඛෙ ඉස්සරත්තෙ යපෙසි.

295. සමරභූවි විනවයෙ බිරධාරෙ නරින්දෙ,  
මලයවනමුපෙතා භාගිනෙය්‍යා කුමාරා;  
පබල මති මහත්තං සංහරිත්වා බලග්ගං,  
උපපුරමුපගඤ්ඡුං ධාතුයා ගණ්හනත්ථං.

296. අථ නගරසම්පෙ තෙ නිවෙසං කරිත්වා,  
සවණකටුකමෙතං සාසනං පෙසයිංසු;  
සුගතදසනධාතුං දෙහි වා බිජ්ජමම්හං,  
යසසිරිජනනිං වා කීළ සඬිගාමකෙළිං.

297. සපදි ධරණිපාලො සාසනං තං සුණිත්වා,  
අවදි රහසි වාවං රාජපුත්තස්ස තස්ස;  
නති සති මම දෙහෙ ධාතුමඤ්ඤස්ස දස්සං,  
අභමපි යදි ජෙතුං නෙව තෙ සක්කුණෙය්‍යං.

298. සුරනර නම්තං තං දන්තධාතුං ගහෙත්වා,  
ගහිත දිජවිලාසො සිහළං යාහි දීපං;  
ඉති වචනමුදාරං මාතුලස්සාථ සුත්වා,  
තමච්ච ගුහසීවං දන්තනාමො කුමාරො.

299. තච්ච මමච කො වා සිහළෙ බන්ධුභූතො,  
ජිනවරණසරොපෙ භත්තියුත්තො ච කොවා;  
ජලනිධිපරතීරෙ සිහළං බුද්දදෙසං,  
කථමහමතිනෙස්සං දන්තධාතුං ජිනස්ස.

300. තමචදි ගුහසීවො භාගිනෙය්‍යා කුමාරං,  
දසබලතනුධාතු සණ්ඨිතා සිහළස්මිං;  
භවභයහනිදක්ඛො වත්තතෙ සත්ථුධම්මො,  
ගණනපථමතීතා හික්ඛවො වාවසිංසු.

301. මම ච පියසභායො සො මහාසෙන රාජා,  
ජිනවරණසරොපද්වන්දසෙවාහියුත්තො;



සලිලමපි ව පුට්ඨං ධාතුයා පත්ථයන්තො,  
විවිධරතනජාතං පාහතං පෙසයිත්ථ.

302. පහවති මනුජින්දො සබ්බදා බුද්ධිමා සො,  
සුගතදස්සනධාතුං පුජිතුං පුජනෙය්‍යං;  
පරිචිතවිසයමිහා විජ්ජවුත්ථං භවන්තං,  
විවිධවිභවදානා සාධු සඛිගණ්ඨිතුඤ්ච.

303. නිජ දුභිතුපතිං තං ඉත්ථමාරාධයිත්වා,  
නරපති ගුහසිවො සඛිගහෙන්වාන සෙනං;  
රණධරණිමුපෙනො සො කුමාරෙහි සද්ධිං,  
මරණපරවසන්තං අජ්ඣාගා යුජ්ඣාමානො.

304. අථ නරපති පුත්තො දන්තනාමො සුණිත්වා,  
සවණ කටුකමෙනං මාතුලස්සජ්ජවත්තිං;  
ගහිත දිජ්චිලාසො දන්තධාතුං ගහෙන්වා,  
තුරිත තුරිත භූතො සො පුරමිහා පළායි.

305. සරහස මුපගන්ත්වා දක්ඛිණං වාථ දෙසං,  
අවිචලිතසභාවො ඉද්ධියා දෙවතානං;  
නදිමතිමහතිං සො උත්තරිත්වාන පුණ්ණං,  
නිදහි දස්සනධාතුං වාලුකාරාසිමජ්ඣෙ.

306. පුන පුරමුපගන්ත්වා තං ගහිතඤ්ඤවෙසං,  
භරියමපි ගහෙන්වා ආගතො තත්ථ ඛිජ්ජං;  
සුගතදස්සනධාතුං වාලුකාථුපකුචිජිං,  
යපිතමුපවරන්තො අවිජි ගුම්බන්තරස්මිං.

307. සපදි නහසි ථෙරො ගච්ඡමානො පනෙකො,  
විවිධකිරණජාලං වාලුකාරාසිථුපා;  
අවිරලිතමුදෙන්තං ධාතුයා තාය දිස්වා,  
පණම් සුගතධාතුං ඔතරිත්වාන තත්ථ.

308. මුනිසුතමථ දිස්වා ජම්පති තෙ පතීතා,  
නිජගමනවිධානං සබ්බමාරොවයිංසු;  
දස්සලතනුජො සො ධාතුරක්ඛා නියුත්තො,  
පරහිතනිරතත්තො තෙ උභො අජ්ඣාභාසි.

309. දස්සලතනුධාතුං සීහළං නෙථ තුම්හෙ,  
අගණිත තනුබෙදා චිතසාරජ්ජමෙනං;  
අපි ව ගමනමග්ගෙ ජාතමත්තෙ විසාතෙ,  
සරථ මමමනෙකොපද්දවච්ඡෙදදක්ඛං.

310. ඉති සුගතනනුජො ජම්පතීනං කථෙත්වා,  
පුන'පි තදනුරූපං දෙසයිත්වාන ධම්මං;  
පුටුතරමපනෙත්වා සොකසල්ලඤ්ච ගාල්හං,  
සකචසතිමුපෙනො අන්තලික්ඛෙන ධිරො.

311. භුජගභවනවාසී නින්තගායාථ තස්සා,  
භුජගපති මහිද්ධි පණ්ඩුභාරාහිධානො;  
සකපුරපවරමිහා නික්ඛමීත්වා වරන්තො,  
සමුපගමී තදා තං යානමිච්ඡාවසෙන.

312. විමලපුලිනථුපා සො සමුග්ගච්ඡමානං,  
සසිරැවිරමරිච්ඡාලමාලොකයිත්වා;  
යීතමථ මුනිධාතුං වාලුකාරසිගබ්හෙ,  
කිම්දමිති සකඛිං පෙක්ඛමානො අවෙදි.

313. සපදි සබ්බමානො සො අසන්දිස්සමානො,  
රතනමයකරණ්ඩං ධාතුයුත්තං ගිලිත්වා;  
චිතතපුටුලදෙහො භොගමාලාහි තුඬිගං,  
කණකසිබරිරාජං වෙය්යිත්වා සයිත්ථ.

314. සලිලනිධිසමීපං ජම්පති ගන්තුකාමා,

පුලිනතලගතං තං දන්තධාතුං අදිස්වා;  
නසනසලිලධාරං සොකජාතං කිරන්තා,  
සුගතසුතවරං තං තඬ්ඬණේ'නුස්සරිංසු.

315. අප් සුගතසුතො සො වින්තිතං සංවිදිත්වා,  
අගමි සවිධමෙසං සොකදිනානානානං;  
අසුණි ව ජිනධාතුං වාලුකාරාසිමජ්ඣෙ,  
නිහිතමපි අදිට්ඨං පුජිතං ජම්පතිහි.

316. සයිතමප් යතීසො දිබ්බවක්ඛුජ්ජපභාවා,  
රතනගිරිනිකුඤ්ජෙ නාගරාජං අපස්සි;  
විහගපතිසරීරං මාපයි තම්මුහුත්තෙ,  
විතතපුපුලපක්ඛෙන'න්තළික්ඛං ටකෙන්තං.

317. ජලධිමතිගහීරං තං ද්විධා සො කරිත්වා,  
පබලපවනවෙගෙන'ත්තනො පක්ඛජෙන;  
සරහස මහිධාවං භිමසංරම්භයොගා,  
අභිගමි භුජගිත්දං මෙරුපාදෙ නිපන්තං.

318. ජනිතභුජගවෙසො තඬ්ඬණේ සො ඵණින්දො,  
පටිභයවකිතත්තො සංඛිපිත්වාන භොගෙ;  
සරහස මුපගන්ත්වා තස්ස පාදෙ නමිත්වා,  
විනයමධුරමිත්ථං තං මුනීසං අවොච.

319. සකලජනහිතත්ථං ඵව ජායන්ති බුද්ධා,  
භවති ජනහිතත්ථං ධාතුමත්තස්ස පුජා;  
අභමපි ජිනධාතුං පුජයිත්වා මහග්ගං,  
කුසලඵලමනජ්ජං සඤ්චිණ්ණස්ස'ති ගණ්හි.

320. අප් මනුජගණානං සච්චබොධාරහානං,  
වසතිභවනමෙසා නියායතෙ සීහළං තං;  
මුනිවරතනුධාතුං තෙන දෙහිති චුත්තො,  
භුජගපති කරණ්ඩං ධාතුගබ්භං අදජ්ජී.

321. විහගපතිතනුං තං සංහරිත්වාන ටෙරො,  
ජලවරසතභිමා අණ්ණවා උජ්ජතිත්වා;  
සකලපථවිචක්කෙ රජ්ජලක්ඛි'ව ධාතුං,  
නරපතිතනුජානං ජම්පතිතං අදාසී.

322. ඉති කතබ්බකාරෙ සංයමීන්දෙ පයාතෙ,  
සුගතදසනධාතුං මුද්ධනා උබ්බහන්තා;  
මහති විපිනදෙවාදීහි මග්ගෙ පයුත්තෙ,  
විවිධමහවිධානෙ තෙ තතො නික්ඛමිංසු.

323. මුදුසුරභිසමීරො කණ්ටකාදිව්‍යපෙතො,  
විමලපුලිනහාරී ආසී සබ්බත්ථ මග්ගො;  
අයනමුපගතෙ තෙ දන්තධාතුජ්ජපභාවා,  
නිගමනගරවාසී සාධු සම්මානයිංසු.

324. කුසුමසුරභිචුණ්ණාකිණ්ණහත්ථාහි නිව්වා,  
සකුකුකමනුයාතා කානතො දෙවතාහි;  
අවලගහණදුග්ගං බෙපයිත්වාන මග්ගං,  
අගමුමතුරිතා තෙ පට්ටනං තාමලිත්තිං.

325. අවලපදරබද්ධං සුට්ඨිතොදාරකුපං,  
උදිතපුපුලකාරං දක්ඛනීයාමකඤ්ච;  
සයමභිමතලඬිකාගාමිනිං නාවමෙතෙ,  
සපදි සමුපරුළ්භං අද්දසුං වාණිජෙහි.

326. අප් දිජ්ජවරා තෙ සීහළං ගන්තුමිච්ඡං,  
සරහස මුපගන්ත්වා නාවිකස්සාවදිංසු;  
සුතිසුබ්බවසා සො සාධුචුත්තෙන වෙසං,  
පමුදිතහදයො තෙ නාවමාරොපයිත්ථං.

327. ජලනිධිමහිරුළුහෙස්වෙසු ආදාය ධාතුං,  
සමහවුමුපසන්නා ලොලකල්ලොලමාලා;  
සමසුරහිමනුඤ්ඤා උත්තරො වාසි වානො,  
විමලරුවිරසොහා සබ්බපා'සුං දිසා'පි.
328. නහසි අසිතසොහෙ වෙනතෙයොයා'ව නාවා,  
පබලපවනවෙගා සත්තනං ධාවමානා;  
නයනවිසයභාවාතිතතිරාවලාදිං,  
පවිසි ජලධිමජ්ඣං ඵෙණපුප්ඵාහිකිණ්ණං.
329. අප් අහවි සමුද්දො හිමසංවට්ටවානා,  
හිහනසිබරිකුටාකාරවිච්ඡප්පඛන්ධො;  
සවනහිදුරසොරාරාවරුන්ධන්තලික්ඛො,  
භයවකිතමනුස්සක්කන්දිතො සබ්බරත්තිං.
330. උදයසිබරිසිසං නුතනාදිව්වබ්බිමිබ්බො,  
උපගතවති තස්සා රත්තියා අවිවයම්භි;  
සලිලනිධිජලං තං සත්තකල්ලොලමාලං,  
අසිතමණ්ඩවිත්තං කොට්ටිමං'වාචහාසි.
331. අප් විතතඵණාලි හිංසනා කෙවි නාගා,  
සුරහිකුසුමහත්ථා කෙවි දිබ්බත්තභාවා;  
රුවිරමණ්ණපදීපෙ කෙවි සන්ධාරයන්තා,  
නිජසිරසි කරොන්තා කෙවි කණ්ඩුප්පලානී.
332. ඵුටකුමුදකලාපෙ ජන්තුනෙකෙ වහන්තා,  
කණකකලසමාලා උක්ඛිපත්තා ව කෙවි;  
පවනවලිතකෙතුග්ගාහකා කෙවි ඵකෙ,  
රුවිර කණක වුණ්ණාපුණ්ණවඩ්ගොටහත්ථා.
333. සලලිතරමණියං කෙවි නව්වං කරොන්තා,  
සලයමධුරගීතං ගායමානා'ව කෙවි;  
පචුරතුරියභණ්ඩෙ ආහනන්තා'ව ඵකෙ,  
මුනිවරතනුධාතුං පුජිතුං උට්ඨහිංසු.
334. රුවිරකවකලාපා රාජකඤ්ඤාය තස්සා,  
මුනිවරදසනං තං නිග්ගතෙවින්දුලොබා;  
උජුරජතසලාකා සන්තිහෙ මුඤ්චි රංසි.
335. අතුලිතමනුභාවං ධාතුයා පෙක්ඛනං තං,  
පමුදිතභද්දානං තඨ්ඛණෙ පන්නගානං;  
පට්ඨවහරිතානං සාධුවාදාදිකානං,  
ගගනමපරියන්තං'වාසි විත්ථාරිතානං.
336. පවිසි සුගත දායාධාතු සා මොලිගබ්බං,  
පුන ගගනතලම්භා ඔතරිත්වාන තස්සා;  
ඵණධරනිවහා තෙ තං තරිං වාරයිත්වා,  
මහමකරුමුදාරං සත්තරත්තින්දිවංහි.
337. අවලම්භ විමානං අන්තලික්ඛම්භි නාවං,  
ගතිවිරහිතමම්භොරාසිමජ්ඣම්භි දිස්වා;  
භයවිලුලිතවිත්තා ජම්පතී තෙ සමග්ගා,  
දසබලනනුජං තං ඉද්ධිමන්තං සරිංසු.
338. සපදි මුනිසුතො සො විත්තමෙසං විදිත්වා,  
නහසි ජලධරාලි මද්දමානො'හිගන්ත්වා;  
විහගපතිසරිරං මාපයිත්වා මහන්තං,  
භයවකිතභුජඩ්ගෙ තෙ පළාපෙසි බිජ්ජං.
339. ඉත්ථං බුද්ධිසුතෙ භුජඩ්ගජනිතං හිනිං සමෙත්වා ගතෙ,  
සා නාවා පවනා පකම්පිතධජා තුඩ්ගං තරඩ්ගාවලිං;  
හින්දන්තී ගතිවෙගසා පුටුතරං මෙසාවලිසන්තිහං,  
ලඩ්ඛාපට්ටනමොතරිත්ථ සහසා ථෙරස්ස තස්සිද්ධියා.

340. සංවච්ඡරම්හි නවමම්හි මහාදිසෙන,  
පුත්තස්ස කිත්තිසිරිමෙඝනරාධපස්ස;  
තෙ ජම්පතී තමථ පට්ටනමොතරිත්වා,  
දෙවාලයෙ පට්ටසිංසු මනොහිරාමෙ.
341. දිස්වාන තෙ ද්විජවරො පථිකෙ නිසායං,  
සන්තප්පයිත්ථ මධුරාසනපානකෙහි;  
රත්තික්ඛයෙ ව අනුරාධපුරස්ස මග්ගං,  
ජායාපතීනමථ සො අභිවෙදයිත්ථ.
342. ආදාය තෙ දසනධාතුවරං ජීනස්ස,  
සම්මානිතා ද්විජවරෙන්'ථ පට්ටනම්හා;  
නික්ඛම්ම දුරතරමග්ගමතික්කමිත්වා,  
පද්වාරගාමමනුරාධපුරස්ස'ගඤ්ජුං.
343. යං ධම්මිකං නරවරං අභිතක්කයිත්වා,  
ජායාපතී විසයමෙතමුපාගමිංසු;  
තං ව්‍යාධිනා සමුදිතෙන මහාදිසෙන,  
ලඬිකිස්සරංසුචිරකාලකතං සුඤ්ඤං.
344. සොකෙන තෙ සිඛරිතෙව සමුග්ගතෙන,  
අජ්ඣොත්ථට්ඨා ඛහුතරං විලපිංසු මුල්භා;  
කායිංසු තෙසමථ මුච්ඡිතමානසානං,  
සබ්බා දිසා ව විදිසා ව සනන්ධකාරා
345. සුත්වාන කිත්තිසිරිමෙඝනරාධපස්ස,  
රජ්ජෙයීතස්ස රතනත්තයමාමකත්තං;  
වස්සෙන නිබ්බුතමහාදහනා'ව කච්ඡා,  
තෙ ජම්පතී සමහවුං භතසොකතාපා.
346. සුත්වාන මෙඝගිරිනාමමහාවිහාරෙ,  
භික්ඛුස්ස කස්සචි නරාධපවල්ලහත්තං;  
තස්ස'න්තිකං සමුපගම්ම කතාතිට්ඨොයා,  
ධාතුප්පවත්තිමවදිංසු උභො සමෙච්ච.
347. සුත්වාන සො මුනිවරො දසනප්පවත්තිං,  
භට්ඨො යථාමතරසෙන'හිසිත්තගත්තො;  
ගෙහෙ සකෙ සපදි පට්ටචිතානකෙහි,  
වඩ්ඨෙසි ධාතුමමලං සමලඬිකතම්හි.
348. තෙසඤ්ච ජානිපතිකානමුහින්තමෙසො,  
කත්වාන සඬගහමුළාරතරං යථිච්ඡං;  
චුත්තන්තමෙතමභිවෙදයිතුං පසත්ථං,  
ලඬිකාධිපස්ස සවිධං පභිඤ්ඤාත්ථ භික්ඛුං.
349. රාජා වසන්තසමයෙ සහ කාමිනීහි,  
උය්‍යානකෙළිසුඛ මෙකදිනෙ'නුභොන්තො;  
ආගච්ඡමානමථ තත්ථ සුදුරතො'ව,  
තං විජ්ජසන්තමුඛවණ්ණමපස්සි භික්ඛුං.
350. සො සංයමි සමුපගම්ම නරාධිපං තං,  
චුත්තන්තමෙතමභිවෙදයි තුට්ඨවිත්තො;  
සුත්වාන තං පරමජිතිභරං වහන්තො,  
සම්පත්තවක්කරතනො'ව අභොසි රාජා.
351. ලඬිකිස්සරො ද්විජවරා ජිනදන්තධාතු,  
මාදාය ජානිපතයො උභයෙ සමෙච්ච;  
එස්සන්ති ලඬිකමචිරෙන ඉතීරිතං තං,  
නෙමිත්තිකස්ස වචනඤ්ච තථං අමඤ්ඤි.
352. රාජා තතො මහනියා පරිසාය සද්ධිං,  
තස්සානුරාධනගරස්ස පුරුත්තරාය;

ආසාය නං සපදි මෙසගිරිං විහාරං,  
සද්ධො අගඤ්ඡි පදසා'ව පසන්නචිත්තො.

353. දිස්වා තතො සුගතධාතුමලබ්භනෙය්‍යං,  
ආනන්දජස්සනිවහෙහි ව තාරහාරං;  
සිඤ්චං විධාය පණ්ඩිං බහුමානපුබ්බං,  
රොමඤ්චකඤ්චුකධරො ඉති චිත්තයිත්ථ.

354. සො'හං අනෙකරතනුජ්ජලමොළිධාරිං,  
පුපෙය්‍යමජ්ජ යදි දුච්චජමුත්තමඬිගං;  
ලොකත්තයෙකසරණස්ස තථාගතස්ස,  
නො ධාතුයා මහමනුච්ඡවිකං කරෙය්‍යං.

355. එතං පහුතරතනං සධනං සභොග්ගං,  
සම්පූජයං අපි ධරාවලයං අසෙසං;  
පුජං කරොමි තදනුච්ඡවිකං අහං'ති,  
චිත්තෙය්‍ය කොහි භුවනෙසු අමුළ්භතිත්තො.

356. ලඬිකාධිපච්චමිදමජ්ජතරං මමාසි,  
බුද්ධො ගුණෙහි විවිධෙහි පමාණ සුඤ්ඤො;  
සො'හං පරිත්තචිභවො තිභවෙකනාථං,  
තං තාදිසං දසබලං කථමච්චයිස්සං.

357. ඉත්ථං පුනස්පුන තදෙව විචිත්තයන්තො,  
ආපජ්ජි සො ධිතිසුතො'පි විසඤ්ඤිභාවං;  
සංවිජ්ජිතො සපදි වාමරමාරුතෙන,  
බින්නෙන සෙවකජනෙන අලත්ථ සඤ්ඤං.

358. ථොකමපි බිජමථ වා අභිරොපයන්තා,  
මෙධාවිනො මහනියා'පි මසුන්ධරාය;  
කාලෙන පත්ත තව පුජ්ථථලදිකානි,  
චිත්දන්ති පත්ථිතඵලානි අනජ්ජකානි.

359. එවං ගුණෙහි විවිධෙහි'පි අජ්ජමෙය්‍ය,  
ධම්මිස්සරම්භි මහමජ්ජතරම්පි කත්වා;  
කාලච්චයෙන පරිණාම විසෙසරම්මං,  
සග්ගාපචග්ගසුඛමජ්ජට්මං ලභිස්සං.

360. ඉත්ථං විචිත්තිය පමොදහරාතිරෙක,  
සම්පුණ්ණවන්දිමසරික්ඛමුඛො නරින්දො;  
සබ්බඤ්ඤානො දසනධාතුවරස්ස තස්ස,  
පුපෙසි සබ්බමපි සිහලදීපමෙතං.

361. හික්ඛු'පි තෙපිටක ජාතකභාණකාදි,  
තක්කගමාදි කුසලා අපි බුද්ධිමන්තො;  
චත්ථුත්තයෙකසරණා අපි පොරවග්ගා,  
කොතුහලා සපදි සන්නිපතිංසු තත්ථ.

362. රාජා තතො මහනිය පරිසාය මජ්ඣෙ,  
ඉච්චබුචි මුනිවරො හි සුසුක්කදායො;  
දායා ජිනස්ස යදි ඔසධිතාරකා'ව,  
සෙතා භවෙය්‍ය කිමයං මලිනාවභාසා.

363. තස්මිං බණෙ දසනධාතු මුනිස්සරස්ස,  
පක්ඛෙ පසාරිය දුච්චෙ විය රාජහංසි;  
චිත්ථාරිතං'සුනි වහා ගගනඬිගනම්භි,  
ආචට්ටනො ඡට් ජවෙන මුහුත්තමත්තං.

364. පච්චග්ගමත්ථරණකං සිතමත්ථරිත්වා,  
හද්දාසනම්භි විනිධාය මුනින්දමාතුං;  
තං ජාතිපුජ්ථනිකරෙන ථකෙසි රාජා,  
චස්සච්චයම්බුධරකුටසමජ්ජපහෙන.

365. උග්ගම්ම බිජ්ජමථ ධාතු මුනිස්සරස්ස,

සා පුජ්ඵරාසිසිරමිති පතිට්ඨනිත්වා;  
රංසිති දුද්ධධවලෙහි විරොවමානා,  
සම්පස්සනං අනිමිසෙ නයනෙ අකාසි.

366. තං ධාතුමාසනගතමිති පතිට්ඨපෙත්වා,  
බීරොදඵණෙපටලප්පටිමෙ දුකුලෙ;  
ජාදෙසි සාටකසතෙහි මහාරහෙහි,  
භියොයා'පි සො උපපරික්ඛිතුකාමනාය.

367. අබ්බුත්තො සපදි චත්ථසතානි හෙත්වා,  
සෙතම්බුද්ධොදරවිනිග්ගතචන්දිමා'ව;  
යත්වාන සා උපරි තෙසමභාසයිත්ථ,  
රංසිති කුන්දවිසදෙහි දිසා සමන්තා

368. තස්මිං ඛණෙ වසුමතී සහ භූධරෙහි,  
ගජ්ජිත්ථ සාධුවචනං'ව සමුග්ගිරන්තී;  
තං අබ්බුතං විය සමෙක්ඛිතුමම්බුරාසි,  
සො නිව්චලො අභවි සන්තතරඬිගබ්බා.

369. මත්තෙහකම්පිතසුපුපථිතසාලතො'ව,  
භස්සිංසු දිබ්බකුසුමානි'පි අන්තළික්ඛා;  
නව්චෙසු වාතුරියයමච්ඡරියං ජනස්ස,  
සන්දස්සයිංසු ගගනෙ සුරසුන්දරී'පි.

370. ආනන්දසඤ්ජනිතතාරරවාහිරාමං,  
ගායිංසු ගීතමමනාසනගායකා'පි;  
මුඤ්චිංසු දිබ්බකුරියානි'පි වාදිතානි,  
ගම්භිරමුච්චමධුරං ද්විගුණං නිනාදං.

371. සංසිබ්බිතං රජතරජ්ජුසතානුකාරී,  
ධාරාසතෙහි වසුධම්බරමම්බුදෙන;  
සබ්බා දිසා ජලදකුටමහගසියෙසු,  
දිත්තාවිරජ්ජුතිපදිපසතාවභාසා.

372. ආධුයමාන මලයාවල කානනන්තො,  
සමචුල්ල පුජ්ඵජ පරාගහරාහිභාරී;  
සෙදොද බිත්දුගණ සංහරණප්පටිණො,  
මන්දං අවාසි සිසිරො අපි ගන්ධවාහො.

373. රාජා තමබ්බුතමවෙක්ඛිය පාටිහිරං,  
ලොකුස්සවං බහුතරඤ්ච අදිට්ඨපුබ්බං;  
විජ්ඣාටිතක්ඛියුගලො පරමප්පමොදා,  
සුජං කරිත්ථ මහතිං රතනාදිකෙහි.

374. සො ධාතුමත්තසිරසා'ථ සමුබ්බහන්තො,  
යත්වා සමුස්සිත සිතාතපවාරණමිති;  
චිත්තත්ථරෙ රථවරෙ සිතවාජියුත්තෙ,  
ලක්ඛිනිධානනුරාධපුරං පවෙක්ඛි.

375. දෙවින්ද මන්දිර සමෙ සමලඬිකතමිති,  
රාජා සකම්භි භවනෙ අතුලානුභාවො;  
සීභාසනෙ පටික කොජව සන්ථතමිති,  
ධාතුං යපෙසි මුනිනො සසිතාතපත්තෙ.

376. අන්තො'ව භූමිපති ධාතුසරං මහග්ගං,  
කත්වාන තත්ථ විනිධාය මුනින්දධාතුං;  
සම්පූජයිත්ථ විවිධෙහි උපායනෙහි,  
රත්තීන්දිවං තිදිවමොක්ඛ සුබාහිකඬිබ්බි.

377. තෙසඤ්ච ජානිපතිකානමුහින්තමෙව,  
තුට්ඨො බහුති රතනාභරණාදිකානි;  
ගාමෙව ඉස්සරකුලෙක නිවාසභූතෙ,  
දත්වාන සඬිගහමකාසි තිසිභළින්දො.

378. සඬගම්ම ජානපද නෙගම නාගරාදී,  
උක්කණ්ඨිතා සුගතධාතුමපස්සමානා;  
ලොකුත්තමස්ස වරිතානි අභිත්ථවන්තා,  
උග්ගොසයිංසු ධරණිපතිසන්තිධානි;  
ධම්මිස්සරො සකලලොකහිතාය ලොකෙ,  
ජායිත්ථ සබ්බජනතාහිතමාවරිත්ථ;  
චිත්ථාරිතා බහුජනස්ස හිතාය ධාතු,  
ඉච්ඡාම ධාතුමහිපුජයිතුං මයම්පි.

380. සො සන්තිපාතිය මහීපති භික්ඛුසඬ්ඨි,  
මාරාමවාසිමනුරාධපුරොපකණ්ඨෙ;  
අජ්ඣාසයං තමහිවෙදයි සත්ථුධාතු,  
පුජාය සන්තිපතිනස්ස මහාජනස්ස.

381. පුට්ඨො තභි මහති භික්ඛුගණි පනෙකො,  
මෙධාබලෙන අසමො කරුණාධිවාසො;  
එවං තිසිහළපතිස්ස මහාමතිස්ස,  
ලොකත්ථවාරවතුරස්ස නිවෙදයිත්ථ.

382. යො ආවරෙයා අනුජීවිජනස්ස අත්ථං,  
එසො භවෙ'නුවරිතො මහතං සභාවො;  
ධාතුං වසන්තසමයෙ බහි නීහරිත්වා,  
දස්සෙහි පුඤ්ඤමහිපත්ථයතං ජනානං.

383. සුත්ථාන සංයම්චරස්ස සුභාසිතානි,  
පුච්ඡිත්ථ සො නරවරො පුන භික්ඛුසඬ්ඨිං;  
ධාතුං නමස්සිතුමනෙන මහාජනෙන,  
යානං කිමෙත්ථ රමණීයතරං සියා'ති.

384. සබ්බෙ'පි තෙ අථ නිකාය නිවාසි භික්ඛු,  
යානං සකං සකම වණ්ණයුමාදරෙන;  
අඤ්ඤොඤ්ඤහින්තවචනෙසු ව තෙසු රාජා,  
නෙවාහිනන්දි න පටික්ඛිපි කිඤ්චිවාකාං.

385. මජ්ඣන්තනානුගතමානසතාය කින්තු,  
රාජා අවො ව පුන භික්ඛුගණස්ස මජ්ඣෙ;  
අත්තානුරූපමයමෙව මුනින්දධාතු,  
යානං බණෙන සයමෙව ගම්මිස්සතිති.

386. රාජා තතො භවනමෙව සකං උපෙච්ච,  
ධාතුජපණාමමහිපත්ථයතං ජනානං;  
බ්ජපංමුබ්බමුජවනානි විකාසයන්තො,  
සජ්ජෙතුමාහ නගරඤ්ච විහාරමග්ගං.

387. සම්මජ්ජිතා සලිල සෙවන සන්තධුලී,  
රච්ඡා තදා'සි පුලිනත්ථරණාභිරාමා;  
උස්සාපිතානි කණකාදිච්චිත්තිතානි,  
වාග්ගොදි රූපබ්විතානි ව තොරණානි.

388. ඡායා නිවාරිත විරොචන රංසිතාපා,  
නච්චං'ව දස්සයති වාතධුතා ධජාලි;  
වීලී වසන්තවනරාජී සමානවණ්ණා,  
ජාතා සුජාතකදලීතරුමාලිකාහි.

389. සංසුචයන්ති ව සතං නවපුණ්ණකුම්භා,  
සග්ගාපවග්ගසුබ්බිච්ඡිකම්ප්ඣතිති;  
කප්පුරසාරතගරාගරුසම්භවෙහි,  
ධූපෙහි දුද්දිනමථො සුදිනං අහොසි.

390. ඔලම්බමානසිතමුත්තකජාලකානි,  
සජ්ජාපිතානි විච්චිධානි ව මණ්ඩපානි;  
සම්පාදිතානි ව තභිං කුසුමගසිකානි,  
ආමොද ලුද්ධ මධුපාවලි කුජිතානි.

391. ගව්ඡංසු කෙවි ගහිතුස්සව වෙසසොහා,  
එකෙ සමුග්ගපරිපුරිතපුප්ඵනත්ථා;  
අඤ්ඤෙ ජනා සුරහිවුණ්ණහරං වහන්තා,  
තත්ථෙතරෙ ධතවිචිත්තමහාතපත්තා.
392. ලඬ්ඛිස්සරො'ථ සසිපණ්ඩරවාජියුත්තෙ,  
උජ්ජොතිතෙ රථවරෙ රතනප්පහාහි;  
ධාතුං තිලොකතිලකස්ස පතිට්ඨපෙත්වා,  
එතං අවොච වචනං පණ්ණාසකපුබ්බං.
393. සම්බොධියා ඉව මුනිස්සර බොධිමණ්ඩං,  
ගණ්ඩම්බරුක්ඛම්ච තිත්ථියමද්දනාය;  
ධම්මඤ්ඤිව සංවිහජිතුං මිගදායමජ්ජ,  
පුජානුරූපමුපගච්ඡ සයං පදෙසං.
394. රාජා තතො සමුවිතාවරණෙසු දක්ඛො,  
විස්සජ්ජි පුස්සරථමට්ඨිතසාරථීං තං;  
පච්ඡා සයං මහතියා පරිසාය සද්ධිං,  
පුජාවිසෙසමසමං අගමා කරොන්තො.
395. උක්කුට්ඨිනාදවිසරෙන මහාජනස්ස,  
හෙසාරවෙන විසටෙන තුරඬිගමානං;  
හෙරිරවෙන මහතා කරි ගජ්ජිතෙන,  
උද්දාමසාගර සමං නගරං අහොසි.
396. ආමොදිතා උභයවිථිගතා කුලිත්ථි,  
වාතායනෙහි කනකාහරණෙ බිපිංසු;  
සබ්බත්ථකං කුසුමවස්සමවස්සයිංසු,  
වෙලානිවෙච භමයිංසුනිජුත්තමඬිගෙ.
397. පාවිනගොපුරසථිපමුපාගතමිහි,  
තස්මිං රථෙ ජලධිපිට්ඨිගතෙ'ව පොතෙ;  
තුට්ඨා තහිං යතිගණා මනුජා ව සබ්බෙ,  
සම්පුජයිංසු විවිධෙහි උපායනෙහි.
398. කත්ථා පදක්ඛණමථො පුරමුත්තරෙන,  
ද්වාරෙන සො රථවරො බහි නික්ඛම්ත්ථා;  
යානෙ මහින්දමිත්තධම්මකථාපචිත්තෙ,  
අට්ඨාසි තිත්ථගමිතා ඉව භණ්ඩනාවා.
399. යානෙ තහිං දසනධාතුවරං ජිනස්ස,  
ලඬ්ඛිස්සරො රතනචිත්තකරණ්ඩගබ්භා;  
සඤ්ඤාසනා ඉව විදුං බහිනිහරිත්වා,  
දස්සෙසි ජානපද නෙගම නාගරානං.
400. තස්මිං ජනෙ සපදි ආහරණාදිවස්ස,  
මච්චන්තජිතිහරිතෙ අභිවස්සයන්තෙ;  
සානන්දිවන්දිජනමඬිගලගීතකෙහි,  
සම්පාදිතෙසු මුඛරෙසු දිසාමුඛෙසු.
401. හත්ථාරචින්දනිවහෙසු මහාජනස්ස,  
වන්දොදයෙ'ව මුකුලත්තනමාගතෙසු;  
බ්‍රහ්මාමරාදිජනිතාමිත සාධුවාදෙ,  
තාරාපථමිහි භුවනොදර මොත්ථරන්තෙ.
402. සාදන්තධාතු සසිඛණ්ඩ සමානවණ්ණා,  
රංසිහි කුන්ද නවචන්දන පණ්ඩරෙහි;  
පාසාද ගොපුර සිලුච්චය පාදපාදිං,  
නිද්ධොත රුපියමයං'ව අකා බණෙන.
403. තං පාටිභාරිය මචින්තිය මච්චුලාරං,  
දිස්වාන කෙ තහිමහෙසු මහට්ඨලොමා;  
කෙවා'නසුං සකසකාහරණානි ගෙහං,  
කෙවා න අත්තපට්ඨාහමවණ්ණයිංසු.



404. කෙ නොජහිංසු සකදිට්ඨිමලානුබද්ධං,  
කෙ වා න බුද්ධමනිමං අභිපත්ථයිංසු;  
කෙ නාම මච්ඡරියපාසවසා අභෙසුං,  
චත්ථත්තයඤ්ච සරණං නගමිංසු කෙවා.
405. ලඬිකිස්සරො'පි නවලක්ඛ පරිබ්බයෙන,  
සබ්බඤ්ඤාදාතුමතුලං අභිපුප්පයිත්වා;  
තං දන්තධාතුභවනං පුන වඩ්ඪයිත්වා,  
අන්තෙපුරමිහි පටිවාසරමච්චයිත්ථ.
406. ධාතුං විහාරමහස්සත්තරමෙව නෙත්වා,  
පූජං විධාතුමනුවච්ඡරමෙවරූපං;  
රාජා'ථ කිත්තිසිරිමෙසසමච්ඡයො සො,  
චාරිත්තලෙඛ මහිලෙඛයි සච්චසන්ධො.
407. චාරිත්තමෙතමිතරෙ'පි පචත්තයන්තා,  
තෙ බුද්ධදාසපමුඛා වසුධාධිනාථා;  
සද්ධාදයාධිකගුණාභරණාභිරාමා,  
තං සක්කරිංසු බහුධා ජිනදන්තධාතුං.
408. සත්ථාරා සම්භතත්ථං පුරිමතරභවෙ සම්පජානං පජානං,  
සම්බොධිං තස්ස සබ්බාසවච්ඡගමකරිං සද්දහන්තො'දහන්තො;  
සොතං තස්ස'ග්ගධම්මෙ නිපුණමති සතං සඬිගමෙසඬිගමෙසං,  
නිබ්බාණං සන්තමිච්ඡෙ තිභවභයපරිච්චාගහෙනුං ගහෙනුං.

පඤ්චමො පරිච්ඡෙදො.

409. යො චන්දගොමි රචිතෙවරසද්දසත්ථෙ,  
ටිකං පසත්ථමකරිත්ථ ව පඤ්චිකාය;  
බුද්ධප්පභාවජන නිංව අකා සමන්ත,  
පාසාදිකාය විනයට්ඨකථාය ටිකං.
410. අඬිගුත්තරාගමවරට්ඨකථාය ටිකං,  
සම්මොභවිබ්භම විසාතකරිං අකාසි;  
අත්ථාය සංයමිගණස්ස පධානිකස්ස,  
ගන්ථං අකා විනයසඬිගහනාමධෙයාං.
411. සන්තින්ද්‍රියස්සපටිපත්ති පරායණස්ස,  
සල්ලෙඛ චුත්ති නිරතස්ස සමාහිතස්ස;  
අප්පිච්ඡතාදි ගුණයොග විභුසනස්ස,  
සම්බුද්ධසාසනාමහොදයකාරණස්ස.
412. සබ්බෙසුආවරියනං පරමං ගතස්ස,  
සත්ථෙසු සබ්බසමයන්තර කොවිදස්ස;  
සිස්සෙනසාරිතනුපස්ස මහාදිසාමි.
413. සුද්ධන්වයෙන කරුණාදිගුණොදයෙන,  
තක්කාගමාදි කුසලෙන විසාරදෙන;  
සබ්බත්ථ පත්ථං සුධාකරරංසිජාල,  
සඬිකාසකිත්තිවිසරෙන පරික්ඛකෙන.
414. සද්ධාධනෙන සබ්බලෙන ව ධම්මකිත්ති,  
නාමෙන රාජගරුනා වරියෙන ඵසො;  
සොතුප්පසාදජනනො ජිනදන්තධාතු,  
චංසො කතො නිබ්බදස්සිපභාවදීපො.
415. ධම්මො පචත්තතු විරාය මුනිස්සරස්ස,  
ධම්මෙ ධීතා වසුමතීපතයො භවන්තු;  
කාලෙ පචස්සතු සනො නිබ්බා පජා'පි,  
අඤ්ඤොඤ්ඤාමෙත්තිපටිලාභසුඛං ලභන්තු.